

丹巖奏議
二

HARVARD-YENCHING LIBRARY
HARVARD UNIVERSITY
2 DIVINITY AVENUE
NO. 1 PANMUN
MAY 24 1968
PROPERTY OF
HARVARD-YENCHING LIBRARY

gift

疏劄

五

如

名

之補身丸

世不足細微

妙要身身

世出頌志

世出頌志

世出頌志

閔文忠公奏議卷之三目錄

疏劄

辭右議政第二疏

第三疏

陳戒劄

辨鄭錫三疏語疏

辨徐命均宋寅明疏語劄

論鄭亨益疏語且請鎮安朝象劄

與僚相聯名辨尹陽來疏語附陳所懷劄

論蕩平且乞勘罪劄



庭請討逆三十六啓後因 嚴旨與僚相陳戒

引罪劄

庭請三十八啓後因 嚴旨乞免第二劄

乞免第三劄

乞免第四劄

乞免第六劄

乞免第七劄

乞免第九劄

乞免第十一劄

閔文忠公奏議卷之三

疏劄

辭右議政第二疏

乙巳三月初六日呈

伏以臣昨上辭本猥陳微懇庶幾體下之仁或加

俯諒矣及奉

批旨不賜矜許慰諭備至臣奉讀惶

感繼以悶鬱不知措躬之所也竊伏念臣是戚畹一

小臣也向於東銓之

命黽勉暫出旋引先朝許

遞之意戚臣自處之義縷縷陳達於筵席則

殿下

即降俞音諭以全保之至意臣至今感泣銘鏤心肝

不料曾未數旬叨此

寵命而責任之重且大加於



銓長不啻十倍 殿下之遞彼而授此臣之捨彼而
取此豈不大違難慎之道而有乖辭受之節耶且伏
念 殿下之所以擢臣於三事之列者非以榮其身
也欲望其出言行事或有一分裨益也臣雖庸愚顓
蒙若其平生之志則亦不在於貪冒利祿而已臣之
頃日所進袖劄實自片片赤心中出來竭智殫誠引
經据義欲以仰輔 殿下典學之工出治之本其苦
心血忱庶幾可質神明而側聽累日未有可否之
教考之政教未見採納之實狂言之不概於 聖心
亦審矣 殿下既知其言之無足可取而猶且尊寵

其身使居百僚之首者抑獨何哉豈 殿下知臣巽
軟摸稜招麾唯意姑以久次循序差除以備一時之
驅使而已耶在臣固榮矣在 殿下置相之政果何
如也臣反復思惟終難冒出敢此申籲畢陳情悃伏
乞 聖明深惟漢帝久念不可之意且念賤臣不合
輔相之職 亟命鑄削臣新授職秩改卜賢德以尊
國體以慰衆望公私不勝幸甚臣無任惶愧祈懇之
至
答曰省疏具悉卿懇前疏之批已悉予意更何多
詰意卿觀國事爰業乎否乎此此時相職一日不備
可耶否耶今予所倚毗者惟在於輔弼而左揆篤老
卿辭至此如是而國事奚做所引漢事予之於卿既
異於漢文若不亦過乎今予拜卿者一從兄既已拜相則
今卿所辭不亦過乎今予拜卿者一從兄既已拜相則

為國事但其意我公而巳若以臧里憐避則是我計較也
則豈非家國之幸耶是因卿辭而反以勉之卿其體
裁袖劄之答當欲面諭於筵席矣卿其安心勿辭速
出論道用
副至望

第三疏

七月初呈

伏以臣於輔相之職自知不稱揣分量才終難堪承
而辭本再上批旨愈隆開釋之慰諭之又從而誠
誨之諄諄提耳不啻若慈父之詔稚子臣莊誦再三
感淚自零至於務寬平之教即臣平生所自勉而未
能者也今茲聖諭又及於此臣雖不佞敢不服膺
而銘佩焉第未知殿下於寬平二字作如何看耶

臣嘗考之中庸有曰寬裕溫柔足以有容也發強剛毅足以有執也蓋寬裕屬乎仁剛毅屬乎義二者相須而成德非剛毅則所謂寬裕者婦人之仁也非寬裕則所謂剛毅者非義之義也是皆倚於一偏而不可謂聖人之德也是故書曰寬而栗孔子曰剛毅近仁或問於朱子曰為政當以寬為本而以嚴濟之朱子曰當以嚴為本而以寬濟之寬非廢弛之謂也至於平字則易曰稱物平施朱子曰不問是非曲直以此為平是乃所以大不平者是也臣竊謂今日惡務必須先嚴於是非邪正之辨而及其勘罪也則空體



易經折首獲匪其醜之訓然後方可合於寬平之道
矣向來諸人以建儲為廢立以代理為篡逆原
其情狀固難逭於王法而亦多有迷惑脅從之類
則豈可盡置之重辟乎只宜先明各人之罪犯然後
酌量其首從而差等論斷以行天討而常使惻怛不
忍之心行乎其中可也竊竊聞殿下於此輩常有掩
覆顧藉之念又有以德報怨避遠嫌疑之意參錯於
其間雖至重之罪而亦斬至輕之律宗社之大罪
國家之大體有不暇顧焉以是而為寬平則竊恐有
違於上所陳聖賢之遺訓也殿下如以臣言為可

則宜法大舜之取人爲善渙然改圖即賜採納如以
臣言爲不可則是臣見識錯謬言議顛妄不足備
殿下之輔相也決矣茲敢仰陳迷滯之見以俟取舍
之命惟聖明察其可否而進退之母徒以寵祿

榮其身以貽四方之譏笑焉臣無任屏營所懇之至

答曰省疏具悉卿懇兩疏之批鑿悉予意更何多詰
今觀卿疏因予言而勉戒之言誠甚切至予雖多德

可而不體念焉然予昨日昨批旨只言寬平未盡予意因卿
言而言之可乎予所謂寬者豈異軟而已哉剛之一卿

字宣不好矣而近來黨錮日甚干戈相尋此非剛毅
之剛也乃時世之剛也正如當補不足之時其將務寬

乎務猛乎謂今日誠如一竄三而末聞盡誅四凶也既誅
舜時四凶也聞殛一竄三而末聞盡誅四凶也既誅

元惡隨從竄配而抱冤者既雪則處分大定今日之
先務遵守先志明其是非而已嘻噫向日鋒刃尚

閔文忠公奏議
卷之三
疏劄
四

忍言哉不可而近以黨網打廷臣論其負犯則東引西援之
固無不可而近以黨網打廷臣論其負犯則東引西援之
奚免乎濫耶允啓之後若或遽還則國法之徑庭初
不若慎重之為愈亦斬竄配思之南竄北謫景象若
葦所為雖非向日至比卿須矣嗚呼渠雖無謂父母
何今者竄配亦至於十有餘矣嗚呼渠雖無謂父母
妻孥何尤焉間人竄配以起往時子之悲渠之無道君
異於向日其間景色異於起往時子之悲渠之無道君
子居之是雖抑子路之言亦近理也予雖涼德不君
效漢明夜起彷彿之然剛者夫子猶欲見之上欲
自修只守天理而勿失則豈非國家卿之幸耶體至
剛字為自服之銘仍反言而勉礪羣工卿其須體至
意勿復異讓即起視事用副上下之
望仍傳曰遣史官傳諭與之偕來

陳戒劄

八月二十日呈

伏以鞠獄之設今至三旬而一番開坐更未推訊或
赴衙而空返或出令而還止又已四五日矣金吾諸

堂臺閣諸臣鎮日違牌罔念事體臣今見差大祭獻
官又將延至一旬備局之坐亦以堂上不齊欲行未
行者三四次矣今日諸臣莫不以討逆爲惡而欲討
逆則不赴莫不以國事爲憂而欲議事則不就凶賊
焉不能鞠國政焉不能決如是而尚可爲國乎臣誠
不勝慨然憂歎之至臣未知此其故何哉 殿下亦
嘗熟思而覺其所以然否此無非如臣無似忝居具
瞻之位不能董率百僚盡瘁 王事使一時風習委
靡玩愒而然也反躬惶愧誠無以舉顏於清朝也臣
旣自咎之不暇更有何言而然念上下交修自是美

事願效愚忠於 殿下之前惟 殿下留神焉向也
殿下收召舊臣於積年罟獲之中在諸臣實有生死
肉骨之恩孰不感泣奮勵欲效追報之至誠而伏聞
殿下嗣服之初崇用賊臣枉殺不辜乃反錯愕失圖
咸懷臨河之歎舉切戴天之羞只欲一哭 魂殿一
瞻 天顏而退及至 元良定位國本永固又因相
臣一劄幽冤畢伸則始相告欣欣羣情稍定然而國
賊尚在大臣之列 聖意終無轉移之望人皆解體
無有固志兼且 聖質仁慈太過剛毅有歉必欲曲
體下情或至有損大體羣下亦皆狎愛恃恩漸萌懈

怠之心始焉竭誠力爭之臺閣今則呈告紛紜始焉
奔走率職之諸臣今則違牌相繼而練達事務如權
愒學識精明如金鎮商者尚無赴朝之意此豈向國
之誠有所不足而然哉蓋以國事爲無復可望只欲
自保身命而已况伏聞左相又將辭退左相年老病
痼雖不能筋力奔走而卧閣論道時進格言其所以
匡輔於國者奚啻千鈞之力而浩然長往白駒難繫
則其爲國家之不幸當復如何而左叅贊金興慶亦
無久志云朝著之間只有懷祿保位之一賤臣而已
然臣亦有秉彜羞惡之心既至此境則亦何忍獨留

爲我思之至此不覺心寒而氣短也伏乞 聖明先

遞臣輔相之職以彰其慢金吾備局不進堂上並加

推考警責仍下 嚴教飭勵羣工 殿下亦宜自謀

聽言如流討罪必嚴深陳既往之悔痛改前日之習

寬而栗毋至於流嚴而泰毋至於刻使朝廷之上風

采立變政令之間觀聽皆聳而在朝思歸之臣至誠

勉留枉野不赴之人盡禮招延 君臣上下精白一

心共治天職毋墜我 祖宗三百年之基業焉答曰

具悉卿懇噫予於近日事非欲太寬也向日鋒刃尚

忍言哉非大行朝至仁盛德則其流之害爲如何

乎予則上以遵兩朝之德意卿等豈不戒往日之

毒手乎日昨備忘已諭而若論其所爲則流竄之罰

亦云末矣而竄配之人已過升數矣或因臺啓之未
殺尚不發配道路之人必相告曰吁嗟彼輩我害善
類慘矣刻矣今之被謫是誰之愆云則已若曰向日
謫行前古所無而車馬纔還又續其道雖因渠輩之
毒正朝家處分則無鑑前戒後之意云則其傷感和
氣當何如哉今予此言但言其大略而已若或拘於
此而不即處分則是誠私意也予雖否德豈忍爲此
哉是言上下必然之理故也意今日處分非予之意
體因此先朝之意從與不從緣非關係於固與不固諸臣
之因欲爲長往者莫非緣予誠淺之致慙惡之外
夫復何論兩朝之遺難也諸臣雖不念及於今日獨
受者乃兩朝之遺難也諸臣雖不念及於今日獨
不念兩朝之受恩乎惟此一言可以定去就矣至
於左相事予雖誠淺當竭竭力勉留矣近日賓廳日次
無一番開坐予亦欲下教矣卿言是矣不進堂上並
推考而鞫獄事體何等重重大而連日違牌一向遷就
少誠有紀綱言言不若斯并從重推考以警日後爲創中
勉補我言言切至可不服膺乎卿勿過辭安心視
不逮

辨鄭錫三疏語疏時將以伸冤削勳事告諸堂入侍請於告文教公與左相鄭公濬及

諸備之節以著本然懿義之德以彰奸凶擅弄

違豫之罪上允之遂先命添入其語一邊人欲因

以嫁禍鄭錫三首殿先投函曰先王雖有疾患

何敢追提又曰險待命下見誤於上命種反常之論

公以其言危險待殿先投函曰先王雖有疾患

遣史官借來使聽命面諭仍下備忘大略以

為錫三之請收聽成命大意好矣然大臣廷奏

非為暴揚欲明盛德故予削黜又允從而錫

三侵逼大臣不少顧藉故命削黜又允從而錫

日錫三疏語雖駭其意則乃予初不忍提者寢

辭陞矣伏聞司果鄭錫三之疏詆斥臣身語意非常

伏以臣朝者擬赴鞫坐旋以園陵奉審將欲詣闕

疾患三絕島安置仍前此疏實四月八日也

其添入之命公遂連納命召不進三司啓請鄭

錫三絕島安置仍前此疏實四月八日也

疾患三絕島安置仍前此疏實四月八日也

疾患三絕島安置仍前此疏實四月八日也

疾患三絕島安置仍前此疏實四月八日也

疾患三絕島安置仍前此疏實四月八日也

疾患三絕島安置仍前此疏實四月八日也

不勝惶駭痛迫走伏金吾門外恭俟處分而不意
聖明曲加寬假 恩旨荐降近侍相守臣於此累增
悚縮莫知置身之所也夫疾病之來聖賢之所不免
而 盛德之掩翳千古之所疑惑臣未知諱疾與彰
德孰爲重而孰爲輕孰爲本而孰爲末耶臣則欲彰
先王之德錫三則欲諱 先王之疾而乃反以經事
先朝四字指斥臣身直驅臣於不臣之科其亦可怕
也噫辛丑以後變易 肅廟之處分戕殺 肅廟之
大臣固出於小人之欺誣而歷觀前史受其欺誣者
爲何如主也以 大行王平日至仁至明之德若非

有無妄之疾則其所以受欺誣豈至於此哉臣嘗反
復以思必須明言先王違豫之實狀然後小人乘
間欺誣之情節可以畢露必須明言小人乘間欺誣
之情節然後先王本然之懿德始可以彰明較著
今只曰小人之所欺誣只曰彰先王之德而不言
其所以然則天下後世何以知先王聖質之粹然
懿美聖德之渾然無疵也哉臣爲是之懼妄謂今
日大義理大根本只在於此一款先明此事然後倫
常可立賢邪可辨國事可做民心可服殿下之所
以孝於先王臣等之所以忠於殿下者庶可以

無憾矣臣之前日袖劄中勤勤懇懇重言複言而不
知止者專欲爲先王辨誣勉殿下盡孝而已未
數日遽膺爰立之命又降袖劄所陳予當面諭之
教臣遂黽勉承命仍復申告於前席者不止一二
其後備忘之特下似若用臣之言而有疾二字終
靳提舉又嘗下教曰向時人之必欲秘諱聖疾
專在於掩遮渠輩情狀而猶教以自我書出有所不
忍臣敢對以殿下之不欲親自提起不過世俗外
面人事上而恐有乖於辨聖誣彰聖德之大體
云爾則遂降曰俞之音矣臣之所恨者殿下果

以臣言爲不忍聞不忍提則是臣見識謬錯秉心不
忠其於大義理所關處未免反常悖理即日斥退不
使更進於前然後 殿下聽言用人之道方可以無
歟何必羈縻虛禮苟備任使而已乎在臣自處之道
其苦心血誠研窮講磨自以爲聖賢復起而不易者
惟在於此一事於此而不概於 聖心則更將何物
以贊 聖化之萬一哉前後 聖批雖未即賜採用
亦嘗俯諒臣心之出於爲 先王矣妄意積誠開導
或可以感悟 宸衷夫辨 先誣式至今日尚未引
退矣今果遭此罔極之人言而 殿下又以日昨筵

奏不得已勉從爲教至有還寢前命之舉於是乎賤臣之罪著矣錫三之言行矣夫彼輩諱疾專出於掩遮自己擅弄之狀殿下旣已洞燭而今日

處分乃反如此是殿下曲掩彼輩欺誣之罪而非

所以彰先王之聖德也臣則以先王之爲小人

欺蔽爲不忍聞不忍提之事必欲明其由於違豫

之致錫三則以違豫二字爲不忍聞不忍提之言

而不顧聖德之掩翳叅以義理則彼此所執自莫

逃於聖鑑之下而殿下又從而入其說此無非

臣平日誠意淺薄事君無狀不能感格而然反躬自

愧尚誰咎哉今則三殿下雖欲保其職秩不賜斥退

不可得也臣雖欲貪戀恩私苟慕利祿亦不可得也

勿待三命之教雖降而不敢晏然歸家息偃自在

敢以一疏略暴危懇所受命召亦不可仍留於待

命之地謹令錄事替納尤增死罪伏乞聖明亟命

下臣司敗按法科斷以光孝悌之德以昭清明之治

不勝幸甚臣無任望一天所懇席藁血泣之至疏曰

具悉卿懇日昨筵席勉從所請者知卿等欲明初子

行朝盛德之意也今曰備忘中不得已三字乃初子

不忍言之意也以卿等之語有何一毫為非而謂之

者哉而况還收成命者不過不忍之意而因此而定

其義理則未流之弊其將勝言意子豈未歟漢高銷

刻之意終使大行朝盛德至仁無以明於後世又

意陷廷臣於傾軋之弄乎特命收還判付卿其須體至
○鄭錫三島配事後
改命極遠竄

辨徐命均宋寅明疏語劄公既承前疏之上批

見慰諭公復陳前疏義理上所流涕感動徐

下備忘而辭旨大略如公所陳於是宋寅明徐

命均等迭起投疏一與鄭錫三疏意同上乃

命還入備忘而改下之公又陳劄辨之即前

疏後三日也

伏以臣於今日始伏見徐命均宋寅明之疏本造意

至深下語至重或曰戚我殿下之心傷我殿下

之德或曰傷天理拂入情不念萬世之譏議而輒斷

之以關係綱常臣誠危怕駭惋毛骨俱竦也夫歷代

閔文忠公奏議

卷之三

疏劄

十一

史牒之無是事其言固然矣臣等亦豈欲無端提舉有所頒示而未知歷代史牒果有秘諱聖疾之事耶凶徒之所以秘諱者只欲遮掩自己欺蔽之跡而爲此史牒所無之事則到今頒示其由使聖德彰明者誠出於天理人情之所不可已此豈臣等之所樂爲哉彼命均寅明在自中始有稍緩之稱而至於肅廟處分之變易肅廟大臣之戕害則恬然熟視而不一言及至今日欲沮聖德之彰明臣未知今此疏語果出於爲先王耶抑深恐渠黨情狀之盡露而裝出綱常二字籠罩一世以爲脅持臣等恐

動天聽之計耶昔夏侯勝以窮兵黷武奢泰無度之說直指先帝而後世猶稱其直未聞以綱常之罪加之況今之欲添入違豫二字者只恐聖德之掩翳而乃反陷於綱常之罪耶殿下學問精深見識超詣可以洞照於此等情狀而伏聞備忘中改下之語似若有動撓於其言者然豈昨者筵中雖教以已盡覺悟而猶未釋然且前日拘小節之病根未能盡祛而然歟已卯先正臣趙光祖之被禍也中廟使承旨諭旨曰汝心非不善也不得已罪之及至末年乾心洞鑑已有溲恩之漸則戕殺之非出本意

人孰不知乙巳之禍在於明廟冲年則其時事非
出睿斷人孰不知至於壬寅之事羣小乘先王
之違豫簸弄欺蔽唯意所欲而以秘諱聖疾爲自
脫之計專欲歸累於聖德凡諸處分之不出於
聖意其何以辨之哉平日近侍之臣雖心懷隱痛口
不敢言而至於中外臣庶豈能知聖德之本無瑕
疵乎已卯乙巳之事只論其事自可曉然而壬寅之
事必如是而後聖德可明則決不可只論其事而
已臣恐殿下於此或未及深察也誠不勝憂歎之
至伏乞聖明更下精義之極工以盡繼志之大孝

使甲乙之言無或眩惑仍治臣不能匡輔 聖德鎮

壓衆論之罪不勝幸甚答曰省劄具悉卿懇卿之誠

忘者非特兩疏而發也閱觀列聖誌狀而因爲下

教者也君臣之間貴乎講磨於事理此雖本非可諱

之事而告文教文皆以予言則諱此言而不能成文

則己仁廟宣廟只言其事而忠邪之分大明於

後世此正欲法堯舜當法祖宗者也意予若疑卿言

而不能則陞拜相職之意果安在哉予雖涼德實

愧爲此卿其須體至意勿復過

論鄭亨益疏語且請鎮安朝象劄同日呈前三日

陞拜左相

伏以臣日昨序陞之後因命召之在外久未祇肅

新命以致鞠坐多日停輟不勝惶恐之至仍伏念見

今朝著草荆班行苟簡唯宜汲汲收聚人材精白一
心庶幾仰贊維新之化而在外未應命者尚多其
人方以爲悶意外開端層生在朝者亦多不安其位
判尹尹憲柱之遭彈已可慨惜而又因諫長之疏雄
藩新臬經幄儒臣一時引入此外勿論職秩之高下
以叅疏自首乞解者不勝其紛紜交象不佳渙散在
即臣誠中夜憂歎寢食不寧也噫當火色滔天生死
立判之日能毅然不撓蹈危無悔者可謂卓立之君
子如此輩人朝家崇獎顯擢風勵一世可也至若怵
禍避死黽勉撓屈者自是凡人之恒情在儕友責備

之道交相規警則可也而朝家何可以此罪之與趨
時媒進者一槩論之哉今此鄭亨益之所論誠過矣
且多爽實之言云臣實爲亨益惜之也然亨益之意
則只欲明義理也務激揚也 殿下唯當裁抑其太
過而已何可輕加摧折以防言路耶伏見近日批
旨似有厭薄亨益之意臣竊以爲未安也申昉李重
協俱以名官遭此重劾論其情勢有難強迫臣謂宜
姑許遞職仍復收用而優容亨益以彰直氣其餘辭
免諸人使之依舊察任則 處分得中朝象庶可安
帖矣伏乞 聖明留神澄省焉

答曰省劄具悉解懇
雖常時層激之言予

所不取而況朝著章劄百事未舉則以爽實之聞斥
人不諒已涉過矣而疏中所論亦欠篤厚故略示警
諭矣豈有厭薄之意乎李重協事卿言是矣姑解本
職而申助事臺言過當予已知之靳遽其職意亦有
在

與僚相聯名辨尹陽來疏語附陳所懷劄十五

日與右相李
公觀命聯名

伏以臣等伏見大司諫尹陽來之疏則以臣等項日
請罷都憲之啓謂有傷於事面顯加譏斥臣等竊惜
其全昧事面也夫宰相有過臺諫論之臺諫有過宰
相糾之者自是清朝之美事臣等聞肅廟朝筵中
儒臣有言大臣啓罷憲長之恐傷事體大臣以爲宰

相豈不能糾正臺諫耶儒臣深自愧伏其後每對人
言少時不解事體如此况臺諫之論大臣以一紙啓
辭至請流竄誅殛則大臣之糾臺諫獨不可以啓辭
爲之耶問事郎廳以鞠廳兩大臣意啓達則其事體
比劄子尤重其所謂爲事面惜之云者臣等誠未知
其何說也然此莫非臣等平日罷軟見輕同朝之致
何敢仍據具瞻之地以羞清朝耶伏乞 聖明亟遞
臣等之職以謝人言焉抑臣等於其疏竊有所憂歎
者敢此附陳焉書曰有言逆于汝心必求諸道有言
遜于汝志必求諸非道此實千古人君聽言之要訣

而興亡治亂係於此矣臣等竊覲 殿下學問非不
精明而逆心之言則輒加訶訑之色遜志之言則輒
有樂聞之意向者臣鎮遠以明 先王之有疾以彰
先王聖德之意前後陳奏不啻勤懇則 殿下戚然
感動至於嗚咽流涕而教曰義理之當如此今始覺
悟明日卽 下備忘而猶且過加疑慎有不欲明言
之意於是宋寅明徐命均等仰揣 旨意乘隙投疏
以遜 殿下之志則 殿下遂入其說且於今日討
罪之舉前後 聖教每以爲嚮來羣奸之慘毒初出
於黨論黨論之極至於危逼 聖躬則豈可謂之以

黨論而 殿下並歸之於黨論 斬允討逆之請且
以蕩平二字屢勤 教諭臣等竊恐 殿下此教大
有傷於名教矣今若泝源而論之則兇徒與善類相
背者初出於黨論而及其末流無所不至謀危 宗
社罪犯惡逆則直當以討逆之法治之寧可復以黨
論視之乎蕩平云者秉心至公一循天理之謂不可
以雜糅賢邪爲蕩平之道以此反復開陳不止一二
而誠淺辭拙尚未有以感回 天心臣等方且爲世
道憂悶而今陽來深懷顧瞻之情欲售疑亂之計潛
心揣摩仰探 聖志遽以論議色目務歸蕩平等語

深中 殿下之意其爲計不但在於避事而已彼憲
府諸弁之啓固不免太過而初非重發之論則於諫
院何關而如是費力分疏必欲起鬧於臺閣非不知
巨隱之當討而不欲與諸臺同事者抑何意也想其
白首窮荒萬死歸來志氣摧剝左右顧畏有此作意
規避之跡渠則不足恤而或恐 殿下悅其承意不
能反求諸非道則將至義理愈晦倫常日斁終至於
國不爲國而後已可不懼哉唯 殿下留神猛省毋
或撓惑於遜志之語以盡聽言之道至於略加譴責
策勵羣工亦不可已也

答曰省劉具悉卿懇日者請
罷大司憲深得三事之體卿

等有何引咎之端乎劄未所陳意實好矣而意予雖
京德蕩平二字自謂非看得之非矣今若舉國之人
同與予意則吾國豈不庶幾而心慨者但
此事之未行也卿等安心勿辭即起論道

論蕩平且乞勘罪劄

同月呈

伏以臣被斥諫長不敢晏然猥陳乞免之章無暴憂
慨之忱伏奉 批旨不許所辭又勤 誨諭臣奉讀

惶感采增悶蹙夫

聖意之務行蕩平者誠是治國

之要而臣等亦豈不知其為好道理耶抑臣等所謂

蕩平者有異於

聖意之所在曾已申告于

四聰

之下而今何敢以煩複為嫌不盡其所蓄積以副

殿下察邇之盛意哉臣聞臯陶之告大禹曰天叙有

典五惇哉天秩有禮五庸哉同寅協恭和衷哉天命
有德五章哉天討有罪五用哉四句皆加天字天卽
理也一循天理不雜私意以之命有德而討有罪則
賢邪各得其分輕重各適其宜典禮大明而寅協之
義成矣臣愚竊以爲蕩平之道無過於此矣苟或不
然有德而不章之有罪而不討之勿問賢邪唯務並
容則畢竟小人伺釁而進指君子爲偏黨深中入主
之意而自然衆君子並退危亡隨之此果合於蕩平
之道而能成寅協之義哉彼凶黨之罪本出黨論終
犯凶逆黨論凶逆初雖相貫而其實黨論自黨論凶

逆自凶逆以黨論治凶逆果合於天討之義耶况黨
論二字雖人主之所惡而黨論之中自有邪正唯當
辨別而取舍之然後可期蕩平之休今以惡黨論欲
破之心並與凶逆而不致天討則如是而可謂國有
法乎夫人臣情態之最可惡者莫如逢迎上意以
濟其私而尹陽來官以諫名乃敢經營揣摩投合
聖心彼五弁之被彈雖未知虛實之如何而憲臣不
過隨聞論列而已此何與於黨論而遽發蕩平黨論
之語欲望殿下喜聞其語致疑憲臣賂得殿下
之寵幸沮敗將發之大論而殊不知朝廷諸僚已覩

其心肺矣

殿下得此遜志之語而不能求諸非道

乃反聽納而獎詡之臣竊爲

聖德深惜之也雖然

殿下務行蕩平而臣等不能倡率國人式克欽承使

蕩平之道未行於世而吾國無庶幾之望則是臣等

之罪萬殲猶輕

殿下雖欲曲加寬恕邦憲至嚴不

可撓屈臣等亦何敢仰恃假借之私覲然仍據於百

僚之首乎伏乞

聖明亟遞臣職仍勘臣罪俾刑賞

得中德化無闕公私不勝幸甚

答曰省劄具悉卿懇

而卿胡不諒又上辭劄愕然且慚無以爲諭卿等之

心予豈不知而昨日所批泛論時事矣於卿少無不

安之端而如是引咎不亦過乎卿

其安心勿辭卽起視事以副至望

庭請討逆三十六啓後因 嚴旨與僚相陳戒

引罪劄

七月初五日與右相李公觀命聯名

伏以臣等嘗聞朱子赴召問其師李延平以今日所
宜言延平告以三綱不正義利不分蓋以斯二者爲
人道之大端國家之先務也使朱子姑實此事徒區
區於甲兵錢穀之末則其必拂衣而不屑就也明矣
嗚呼民生倒懸之惡臣等非不知也 聖上宵旰之
憂臣等非不念也而不汲汲於民憂國計必明目張
膽沫血飲泣倡率百僚以討賊爲第一惡務者蓋不
如是則雖蓄之以紅腐之儲兼之以殷庶之衆將無

以扶綱常而振國脉今此諸賊之罪苟有一毫可以
緩討者則臣等惟當一邊伸沐浴之義一邊講軍民
之謨而第其凶逆情節人得以誅之而五載之間偃
息自在使三聖受污蟻之言使殿下困縛束之
辱宗社幾乎淪亡神人久益憤鬱則臣等之不能
竭誠回天卽正兩觀之誅固已負累朝不世之
恩抱一天共戴之羞何暇念及於區區事務哉况
殿下仰念三聖罔極之誣回思兩度辭位之變則
殿下之忘寢忘餐正在於此而不在於彼矣不待羣
請宜賜處分而臣等之血誠苦籲今至閱月猶且

一向牢拒 天聽逾邈臣等方以是爲引罪決退之
計矣廼者十行 聖批不惟不允所請至以寧欲溘
然幾乎疾作爲 教臣等奉讀以來不覺惶汗之遍
體臣等旣未能明討復之義反承此勤勤 誨諭噫
君臣猶父子臣等豈不知此義而曾於前日之啓略
有所陳臣等所謂有叛奴叛僕謀害其父其子思必
報之計而其父不諒痛迫之情曲爲容護之地使不
得伸其孝則惡在其爲父子之倫者蓋悉陳臣等事
君如父之心也而今 殿下又下非常之教欲箝制
臣等使不得更容一辭此不特爲臣等不忠無狀之

罪在 殿下亦不免爲無前之過舉噫人主一言四
方攸則似此 聖教何等重大而以一時訑訑之意
爲此 辭令宣布於大庭咸造之列致令聽聞駭惑
景色愁沮耶今 殿下苟以誠心孜孜於初服之政
弘濟之猷則何不亟準羣請先行 王法仍講國政
而乃如是泄泄沓沓徒責臣等以不成之義理耶雖
然此無非臣等誠意淺薄不能感格 天心而有此
不忍聞之 教臣等何敢一刻自安乎茲敢迸出闕
外合辭請譴伏乞 聖明先削臣等職名仍治臣等
罪狀改卜賢德講廟國事不勝大願

答曰省劄具悉
卿怨朝者批旨

只論予意則卿等之如是引嫌實是意外大抵君臣
之間貴乎情志之相孚而昨日昨處分慮國事而為羣情
則豈料庭籲之末撤而昨夕巡教亦據心腹則今日
連啓可謂誠意之相孚哉而批中開釋焉可已乎況
且謂三聖罔極之中誣此者實非輕言之事也今日予
意只為生民則劄中彼此之說尤非諒予之意也卿
等乃有喬木世臣位在三事雖有過重之論猶當調停
而謂之駭惑則劄中罔極之說其亦聽聞何以卿等
休休之量如是過嫌自愧誠淺夫復何論卿等須體
予意安心勿辭亦勿過自
引啓速出論道以濟時艱

庭請三十八啓後因

嚴旨乞免第二劄

同月初九

呈日

伏以臣罪至重 聖恩至渥既寬有司之勘罪反辱
近侍之宣 旨臣非木石寧不感泣念臣事君無狀

出言多悖致令 君父不樂於南面而自歎其巽軟
雖古昔強暴之臣其罪何以加此臣伏聞 宣廟朝
以相臣沈通源請竄事百僚庭籲踰月乃止又以請
削乙巳僞勲百僚庭籲或停或啓延至七朔而未嘗
聞 宣廟以庭籲不撤有未安之教使臣平日持身
處事無愧於其時大臣則豈不能見諒於吾 君至
此之極耶一殿下政宜亟舉刑章振肅朝綱然後發
號施令之際庶有從欲風動之休矣以臣私分言之
亦宜自訟負犯甘伏刑章縱一殿下俯念簪履之舊
曲加寬賞唯當盡解職務優游散地感祝全生之

恩而已豈敢負罪幸追恃恩揚揚又添縱恣無忌
憚之一案乎況臣與輝賊共戴一天尚以爲羞今此
賊偃息自在而臣亦仍居輔相之職則天下寧有是
理此義講之久矣亦嘗仰達於宸聽矣臣雖以此
伏法受罪決不忍冒沒仍據甘爲春秋之罪人也抑
臣今日便是已退之身而事關聖德亦何忍不爲
一言而去乎日昨批旨有曰癰疾強盜其本則皆
臣子也仍以橫渠爲證臣謹按橫渠西銘曰天下疲
癰殘疾惇獨鰥寡皆吾兄弟之無告者也其間元無
強盜二字其下又曰害仁曰賊蓋生於兩間者雖皆

乾父坤母之子而渠旣爲賊則父子之道絕矣不可
稱之以子故疲癯及賊區別而言之未嘗混稱而並
數古人之以認賊爲子戒之者此也夫強引古訓牽
合己意此是爲學之大戒而 殿下欲拒塞臣等之
言求說不得不免爲傳會之歸豈不大有傷於講學
治心之功耶此皆臣侍講日久不能開導勉戒之罪
也而亦願 殿下繼自今於處事觀書之際必以虛
心觀理爲先務勿以一時喜怒隨意下語常加猛省
之功則庶乎理日明而學日進矣臣於請譴之章又
復妄發此亦罪也伏乞 聖明亟命遞臣職名勘臣

罪犯以幸國事以安賤分公私不勝幸甚

具答曰省劄

日者批旨慮國事而據心腹之事有何未燭卿心之致而言未暢誠未孚乎右揆尋單卿又陳劄自愧誠淺夫復何諭而亦豈平日所望於卿等者哉至其於癘疾強盜之說謂近傳會予雖涼德文卿之一字其所不取以究本二字可見予意引以西銘不過大略況禹之泣囚聖人之心藹然而其為非絕抑可知矣此皆不能見信於卿等以至於此竊自慚惡噫國事岌岌民生日瘁君臣日以相講磨猶患其不濟此豈大臣引入之時乎且卿以喬木世臣義同休戚古人只以國士遇之猶不忍忘也卿之所處之地其何如予雖誠淺未能感回瞻望明陵卿不必如是邁邁矣復遣喉舌之臣諭予至意卿其安心勿辭亦勿過自引咎即起視事用副上下之望

仍傳曰遣承旨傳諭

乞免第三劄

同月十一日呈

伏以臣罪大而未勘律情蹙而猶帶職惶悶抑塞不

知置身之所昨伏承再劄之批縷縷數十言不啻若耳提而面命臣九頓奉讀一字一涕誠不料負罪賤臣何以得此於聖朝也竊伏念臣妄以爲今日不討賊則不可以一日在職此實宵中素講之義理也向也意謂聖學高明此等義理必有一悟之時唯以積誠開陳爲事今則已知聖志之牢定矣已知口舌之難爭矣如是而猶且渙忍不去貪饕祿利則是自喪所守甘爲患失之鄙夫臣雖不肖所不忍爲也至於西銘之說殿下又以禹之泣囚譬曉之實出於勤勤牘迷之至意而乃若愚臣之惑則至此

滋甚槩禹之泣囚泣其絕之也然其絕也非禹絕之
渠乃自絕也禹傷其自絕而陷於刑辟至於出涕禹
何嘗不絕而屈法宥罪耶以此謂禹爲非絕則非臣
之所敢知也且國士遇三字卽古人知己相感之語
也如臣倥侗謏劣者萬不近似於國士之稱而若以
高位殊禮謂之國士遇則殆韓愈所謂感恩則有之
知己則未也臣何敢當此教也唯是瞻望明陵
之教不覺心腸之摧裂也噫臣雖萬萬無狀豈敢
頃刻而忘明陵哉臣於前後筵席輒舉肅廟故
事仰勉殿下之遵述若臣所以自處者亦未嘗不

追思 肅廟之處分臣於昔年以翰薦事不奉 命
者十朔於館職不奉 命者六年苦辭籌司之任不
赴松都之除輒蒙 肅廟俯諒而不枉其志今亦以
此深有望於 殿下倘 殿下許副微願則臣豈敢
爲高飛遠走之計哉時時見差享官瞻望 喬山之
松栢入則不廢大庭起居之禮有急則爲國授命死
生以之臣之報效之道恐不外此矣假令臣迫於
嚴命黽勉復出其所以仰聒 天聽自速 嚴誅者
不過一依前套而已 殿下將焉用哉見今艱虞溢
目 殿下獨憂於上臣職忝輔相義同休戚豈不以

國事爲念哉誠以國事有大小輕重於其大者重者
上下之志終不能相孚則已無做事之望矣小者輕
者更何足論乎竊計 殿下所以敦勉臣者蓋欲其
捨置大義姑從事於簿書期會之末而此正孟子所
謂姑舍汝所學而從我者亦非臣所敢奉承者也臣
於 批教之下逐條陳辨固知分義之萬分惶悚然
此是倫常義理之所在而亦有關於 聖上學問之
工迭相講磨務欲歸正者自是君臣間美事茲敢不
避煩瀆復此論列而兼申請譴之懇伏乞 聖明垂
治臣負犯仍遞臣職名上以盡使臣之禮下以全所

守之志公私不勝幸甚

批答曰省劄具悉卿懇兩劄之

日奏可貫金石予以謂是固讓乎此皆予平日誠

信之未能見乎致自愧誠淺夫復何言雖日上下

劄次難勉副卿其頌體如渴之意安心勿辭即起視

乞免第四劄

同月十三日呈

伏以臣之不可冒居今已決矣而前後批旨勤勉

愈隆臣惶悶抑塞不知自措昨日銀臺之臣又以

別諭來宣此又非常之恩而亦不得奉承臣罪萬

死此豈臣之所樂為哉誠出於不得已也噫臣之所

以決退者只由於不得其職而聖教每捨置本事

務加敦迫臣不敢知。殿下之意若曰爾言不可用而爾職不可解則安有不用其言而徒取充位之大臣乎若曰姑置汝大義而治我國事則亦安有捨大義而能治國事者乎其言既不可底行大義亦不可許伸而又不欲聽臣斬免遞臣職名詩人所謂執我仇仇亦不我力者不幸近之抑臣自初所自勉者唯在積誠回天而前後筵奏啓語出於憂慨抑鬱之極言欠委曲文不宛轉以致觸犯威怒激惱宸衷上下情義更無孖感之望揆以古人引君當道之義實有未盡分者靜言思之罔非臣罪中夜點檢愧

悔交中臣若自謂其身之已退望絕 殿下之一悟
悻悻長往更無一言則是負 殿下益大矣臣請先
以庭啓中第一件事反復開陳又不得 命而後告
退焉 殿下以鳳輝疏爲初出於黨論排軋可謂原
恕而得其情狀矣又以向年陳疏請貸 先王深加
獎納今若置法恐歸失信而有違 先旨其惻隱不
忍之心亦可謂藹然矣推此志也雖堯舜聖德何以
加此臣等雖甚鹵莽亦豈無將順之意而但此事關
係至大義理至嚴有不可以曲諒小仁率意而處之
者夫鳳輝自其父得罪名義之後讐視士類必欲甘

心者久矣及至辛丑建

儲之日乘此國有大事欲

陷諸臣於惡逆之科而然其罪狀諸臣者不過曰忙迫催督而已此不足以成戕殺之案則乃深斥本事以春秋鼎盛等語謂不當建

儲而建

儲以人心

疑惑等語眩亂而危動之以

處分已定無容更議

等語有若

處分未定則可容別議者然以自今後

斷自

宸衷等語謂由於自下之所擅弄以無人臣

禮四字斷之以廢立之罪而其後鏡賊輩廢立篡奪

等凶言其原蓋出於此矣其心假使專出於黨伐渠

既逐鹿而不見泰山原疏首尾無一毫延頸係望顧

藉畏忌之語而精神指意窮凶叵測 殿下試思之
不滿於建 儲之舉不顧藉於 殿下以至於疑以
廢立則其將曰排軋異己而已乎其時賓廳請討之
啓引重 殿下疏中毛骨俱竦一段語則以 殿下
至仁之心慮人之由我而死復上請貸之疏而 先
王嘉其意而許之 殿下之所以請之 先王之所
以許之者皆不害爲好生之德而況在其時鳳輝逆
狀只是疏語之兇悖而其迹未顯則設令待以不死
猶或未爲不可而及至一鏡之疏出虎龍之書上而
皆祖述鳳輝之言構殺諸臣誣逼 殿下則其肯意

大體都不外於鳳輝疏中所云云此非鏡虎之言行也乃鳳輝之前言始行也此非鏡虎之計售也乃鳳輝之初計得售也以今日觀之則鳳輝之爲逆與不爲逆當死與不當死不待多談而曉然易知矣噫鳳輝先倡而尚稽天討鏡虎和之而先被顯戮國家刑章何如是乖舛耶若以初出於黨論而可以原恕則一鏡之逆獨非原始於黨論乎逆狀旣已昭著則殿下雖欲貸其死決不可得矣先王亦必無終始曲全之理矣殿下聖學高明洞貫義理此事不必上下交爭積久撕捥殿下苟能虛心熟慮不以一

毫私意參錯於膏中而於公私輕重之分反復較量
曰以鳳輝疏本意論之則黨論重於逆心而以其罪
犯論之則惡逆不可以黨論治之刑人雖貴原情而
人臣旣犯惡逆則吾所以欲原之者公耶諸臣之必
欲討之者公耶初旣有請貸之疏今許其正法則誠
若有所不忍而爲一已欲施恩者公耶爲宗社欲
討賊者公耶先王一時之批爲重耶祖宗三尺
之法爲重耶諸臣固皆黨目中人其言或未平恕而
大小中外無不以請討此賊爲今日第一義者必非
一皆出於黨論抑何故耶諸臣之筵奏啓語或涉太

過而既出於忠義激烈則無乃不足深非耶予之所
主者本由於不忍之心而人謂反害義者無或近似
耶姑捨先定之志忘其激惱之心念茲在茲思之又
思如此而終以爲吾心無愧於堯舜之德而諸臣之
請有傷於好生之仁則臣亦更有何說哉臣之所望
只在於 殿下之渙然開悟而已不在於臣言之必
見用夫 殿下之心一朝而悟則所以 嚴懲而痛
治者必不待羣下之固請若 殿下終不覺其爲逆
而迫於臣等之言屈意而勉從則臣言雖或得行其
爲損 聖德將何如哉此臣所以深冀 殿下細察

於公私之分以至於義精仁熟之地洞見其大義所
在然後赫然致討務合於孟子所謂見可殺然後殺
之之義也此又 殿下所當留意者也 聖教每以
因此討賊一事擔閣民憂國計爲未安今日民國之
計可謂罔極 殿下此教誠亦至當矣然苟使臣有
嘉謨竒策可以裨益新化者則雖一邊討賊亦豈無
一邊做事之地而不但臣素乏才具全昧世務無以
對揚 聖上求治之盛意抑臣嘗聞賈生之言曰今
棄禮義捐廉恥日甚而大臣特以簿書不報期會之
間以爲大故至於俗流失世壞敗因恬而不知怪俗

吏不知大體陛下又不自憂臣亦妄謂 殿下今日
之所憂自當有所先矣况臣曲循 上旨雖欲規規
於簿書期會之末務既忝大臣之列見國賊而不能
討則臣不免於春秋首惡之罪矣將何顏面揚揚於
政事之堂更對其郎吏哉臣之此言非但為討賊也
實出於憂 聖德也憂 宗社也伏願 殿下俯察
愚臣之片片赤心勿為例視泛聽更加深思熟講而
指揮之仍治臣前後妄言之罪公私不勝幸甚

答曰省割

具悉卿懇三劄與別諭之批已諭予意而只緣誠淺

異讓

采篤愕然且慚無以為諭意予豈不諒卿心而

然哉

向者庭請之批亦豈激惱而為乎予志決不欲

加一

律於柳鳳輝非特予心之固定抑亦國人庶可

閔文忠公奏議

卷之二

疏劄

三十

閔文忠公奏議

卷之二

疏劄

三十一

知矣但猶未能感孚者惟今卿等之心是豈卿等之
過耶實亦予平日誠信未能見孚之致念此愧惡夫
復何諭意卿須思之此何時耶是予卽元之年卽卿
入閣之歲也上下講磨共濟時艱岌業之國勢亦難
挽回如是引入一向邁邁定予之過蒼生何咎言念
及此食息奚寧卿其體予至意須勿過辭卽起視事
用副如
渴之望

乞免第六劄

同月十日呈

伏以臣伏聞聖人有言匹夫不可奪志臣雖萬萬不
肖亦有所守之志苟其志之有守也則刀鋸鼎鑊之
在前而有所不避 隆恩殊禮之有加而亦不敢承
臣於前後 嚴教敦諭皆不能有所變動者此也今
臣欲仰承 恩命則大義未伸決難仍冒欲退守初

志則承宣臨門督令赴朝臣之進退實爲狼狽昨者
之批有從容開陳之教是殿下開示臣轉動之
路也豈不欲卽日入對畢吐悃臆而第臣區區所欲
陳者曾已備論之矣今雖更摠餘懷拙訥之一言旣
無孚格之望堅定之聖志亦無感回之路如是而
止則不過退又祈免而已乍出乍入尤無所據反復
思量終不敢爲冒進之計其愚迷惑可謂甚矣今
計獨有斥退臣身改卜賢德然後庶事不至叢脞百
務庶可修舉伏乞聖明俯察偏性之難化深軫國
事之可憂亟遞臣職仍勘臣罪召還承宣毋令恩

數有屑越之患公私不勝幸甚前答曰省劄具悉卿意

而只緣誠淺卿心莫回愕然且慙無以為諭噫卿以

今之國事謂何如而如是邁邁耶民生之困瘁日以

益甚加以亢旱斯酷言念民事不可使予獨勞於上想卿

休戚之臣當今日之國事不可使予獨勞於上想卿

不安之端庭請批旨中末句亦一事也向日批旨不

過示予意而豈未燭卿等之心而然乎哉若卿以此

為一不安之端此亦予平日誠信未能見乎之致然

到今追惟予亦知其辭氣之過重矣豈惜數句之改

添卿不安之端乎今政院使之還入而改下矣劄中

所執予決以謂過矣而亦非所望於卿者卿其體予

如渴之志即起視事用副上下之望○

批旨改下措語在下庭請批答下

乞免第七劄同月十日呈

伏以近侍之相守陋巷已五日矣辭本之冒瀆宸

嚴今七次矣恩禮深隆罪釁日深臣狼狽窮隘罔

知攸措昨日劄

批又蒙

殿下察臣惶蹙不安之

由特改下庭請

批答中一二句語噫

殿下之曲

軫至此臣雖冥頑寧不感泣臣之所以驚隕欲死者此固其一端而若臣之不可復出之義實由於大義之不得伸焉則今殿下之改下批辭者雖或小

寬臣難追之罪而終亦不開其可進之門也臣雖欲感激冒出其可得乎況臣與僚相進退去就不宜異同而近日殿下所以督迫責勵者似若偏加於臣是必臣未卽尋單之故殿下認臣爲異軟低徊未有決退之志可以隨意驅使而然耳然臣非敢然也

當庭請輟罷之日臣非不知 聖意之終不可回大
義之終不可伸而只以兩相之同日尋單恐駭聽聞
欲姑遷數日而已且臣自念以 殿下之英明萬無
不知此賊爲逆之理而終始牢拒如此者其罪實在
臣等不能明白開陳使 殿下洞然無所疑矣若又
果於引退更無一言則是臣自阻於 聖明之下故
遂於乞免之章屢陳惓惓之意及至第四則反復究
論從頭說破片片赤衷只冀 上心之翻悟而前後
批諭一向漠然臣望絕意阻將與僚相一體呈告而
忽有承宣偕來之 命因仍遷就以至今日環顧初

心慙縮靡容夫大義未伸則僚相無可出之理僚相
不出則 殿下於臣雖 隆恩以招徠之 威刑以
迫脅之臣有死而已決不敢奉承也 聖教屢以誠
信未孚爲歎臣惶蹙悚惕之餘抑竊有所感焉所謂
誠信者必上有所教下爲之獻替下有所言上爲之
俞咈磨礱若反復務合道理勿任小智勿設私意惟以
誠心相與然後始可以語誠信矣 殿下若於此賊
知其爲逆而不欲亟加刑戮令臣等勿庸汲汲更容
商議則臣等雖以亂賊之一日假息爲切至之痛亦
當勉承 聖意更積誠意以冀早晚之開悟而今

殿下於臣等所陳未嘗開示可否只以予有所執予
志堅定予決不欲爲 教今又付諸三司三司獨可
以誣人爲逆乎彼果爲逆而三司可以請討則居輔
相之列者又何可袖手傍觀而不念沐浴之義乎此
不過 殿下心知臣等之負犯而不欲顯言加誅辱
苦目前之爭論而姑且權辭推諉 殿下一心旣已
未全出於誠信則夫豈有上下相孚之望哉顧今旱
災此酷大歉已判 殿下獨憂於上至有親禱社壇
之舉 別諭催召又及於賤臣臣於此時若有一分
可進之勢則何敢頑然不動殆同越人之視秦瘠哉

誠以彛倫之不明爲急而曠乾之害稼猶緩亂賊之不討爲重而黎民之阻飢猶輕也彛倫不明亂賊不討則假令雨暘時若百穀豐登而國非其國也今臣微誠未格大義莫伸致令情志否隔上千天和將使無辜之窮民盡劉乃已此皆臣之罪也在 殿下懋

誠信之道所宜明言其罪早賜斥退俾全其區區咫尺之守不當假之虛禮期以勉出致喪其庶隅大防

伏願 殿下亟命召還承宣仍勘臣前後罪犯以警

具僚以靖私義不勝幸甚

答曰省劄具悉卿懇批旨纔下而辭劄繼上愕然且

慚無以爲諭噫是豈卿之誠淺哉實由于平日誠信未能見乎之致至於迫脅推諉等說非予素志卿何

以爲此言親行祈禱大臣從事古例卽然而卿心邈然雖不可言於今日予之望卿者非特此也爲民事當有面諭之語以歷代史牒觀之雖萬乘之尊臨幸相國之第與議國事亦多有之卿若如是邁邁明日法輿已動躬臨面諭講議國事豈乎難也哉此非爲卿勉出之意寔予祔文具而實心腹之志也言由肺腑卿須體哉○公承此批旨不勝震悚待命命金吾門外偕來承旨以此意書啓傳曰勿待命事傳諭有面諭事與之偕入公遂承命入侍上教以鳳輝等事待國練時諸臣來會更爲入對商議旨姑先捧入傳

乞免第九劄

十二月初六日呈○公既出又連

未準請遂上辭單又上劄乞免

伏以臣於去夜伏承劄批十行絲綸勤勤懇懇大要以追先朝之殊遇念國事之多艱責勉之誨諭

之噫此正說出臣今日情理也臣秉燭伏讀一字一涕顧念聖考之殊恩未報殿下之眷顧采隆臣之情理豈有一毫自疏之意哉第父子主恩君臣主義義之所在恩有所掩從古名臣碩輔之引義求去者豈其忱誠薄於君父而然哉誠以愛君之心進退無間而去就之節惟義是從故也今臣冒居相職幾乎一年而既不能輔嗣王以當道弘大順以討賊使倫彛數敗義理晦塞論其罪負自知難逭今若仰恃眷遇自喪所守徒區區於簿書之末趨走之節自以爲大臣之職止於此而已則臣之一身庶隅縱

不足恤其於國事何哉其於四方之譏且笑何哉況
臣服事 肅廟殆三十年矣伏覩 肅廟之爲治也
所先務者扶名義也明是非也到今忝在大臣之列
不能以 肅廟之道事 殿下而渙罔盤礴不知自
處則 聖考 聖后在天之靈必將崇降罪疾臣竊
恐報先帝忠陛下之道在此而不在彼也 殿下以
臣之退自憂其孤立於上此亦恐 聖慮有未及思
者矣夫大義旣明倫紀旣正君臣父子之道大明於
世率土之濱咸戴 聖功則 殿下何憂於孤立哉
不然而一世之人不復知有倫常義理之重而無所

憚於疾視長上則 殿下雖有一二親臣朝夕列侍

於左右其為孤立將日甚矣豈不尤可懼哉執滯之

性迷不知反徒辱 恩數不得祇奉臣罪至此尤無

所逃伏乞 聖明俯加諒察亟遽臣職仍治臣罪以

幸國事以安賤分焉答曰首劄具悉卿懇日昨劄批

料自愧誠淺夫復何喻然今卿引入予終以為過矣

雖日上十劄斷無勉副之理而一日二日徒使國事

洋渙言念及此丙枕奚安自古庭請伏閣何限而未

聞以此大臣如是決退者矣況昨夕請對今朝尋單

於卿重去就之義其何如哉予雖誠薄今至於卿敦

勉乃已以卿體國之誠何不諒此而如是因我邸附

乞免第十一劄

同月十日呈

伏以嗚呼試看今日此何等時也國誣未雪山賊假
息大義未伸輿憤愈鬱是非不嚴人心靡定紀綱日
頽國勢日卑天怒於上民散於下而蓄積空虛中外
枵然立視民死坐待危亡噫嘻其亦岌岌乎殆哉于
斯時也 殿下新服厥命慨然有願治之意亦惟圖
任舊人共政以臣爲 先朝簪履之舊肺腑之親擢
置三事勉以追報之義噫臣何敢去也惟臣才智魯
下識見蒙陋無以仰副倚毗之意終年相府一味憤
憤微誠未格而大義終莫之伸矣 天聽愈邈而輿
憤終無以洩矣以至上所陳許多危亡之兆皆不能

救得一分而殿下英睿出天獨運萬幾俯視臣等
無足以仰裨塵露故凡有建白雖面賜獎諭而未
見有採用之實臣之失職大矣辜恩多矣若是者
臣何敢不去也臣請得以悉陳之臣聞帝堯稽于衆
舍己從人大舜自躬稼以至爲帝無非取諸人者大
王望道如未之見彼三聖者豈心實自聖外示俯就
而然哉誠以天下之義理無窮一人之聰明有限唯
恐一理之未明一事之未盡早夜孜孜一心兢惕此
所以爲大聖人也今殿下則不然試以討賊一事
言之諸臣之援古引今反復論說也殿下宜以倫

常義理互相辨難理到之言有所開發於聖心則一堂都俞聽納如流而今殿下或發周遮之言或辭塞而不賜答古聖人取人爲善之道恐不如是也且臣性本狂愚凡有所懷不敢自隱前後陳奏不可勝記如求言則先求於儒賢聽言則必先於虛心擇經術之士以備顧問講聖賢之書必須研究財用必務節儉宮掖毋示偏護凡事必顧大體毋拘於煦煦小仁等說臣則以爲進德之急務爲治之要道不出乎此齋心積慮冒死而言之殿下輒下留心之教而夷考其終未有一事之見行經術之士雖緣朝家

多事該曹未及抄啓而亦由 殿下無尊德樂道之
至誠也此皆臣誠意淺薄不足以感格之致而 殿
下之意蓋亦欲使臣取 上旨備驅使而已夫承命
奔走在臣固是分義之當然職非大臣則臣何敢一
毫憚勞哉唯是輔相之職只效奔走之勞未有匡輔
之效則將焉用彼相矣朱子曰仕危邦者無可去之
義臣雖無狀亦講斯義其何忍捨吾 君而去哉唯
此相職則決不可仍冒今臣之引疾丐免豈其所樂
爲哉 殿下猶不欲捨臣前後 恩旨不啻勤懇承
宣之再次宣 諭尤是優異之 恩數而臣不敢膺

命臣罪萬死茲以短劄畢暴微悃伏乞 聖明俯賜

矜諒亟遽臣相職俾以樞府散秩出入於 祭享朝

賀之班得效其區區之誠公私不勝幸甚 答曰省劄

前後批旨盡論心腹辭已竭矣語已窮矣但先取今

日急務者言之次言卿劄中事答之今年即予初元

也且卿新入閣席雖平常無事之時聚精會神相與

國事猶恐其未及况艱虞溢目民生岌岌之時乎卿

以元舅世祿之臣體兩朝之恩遇當小子之初年

正鞠躬盡瘁之日也不念于此如是其讓是豈平日

所望於卿者而卿每以首右揆去國援以為讓此子

所以為不然者言不用則去雖云聖言殷之三賢子

曰三仁皆以去國為是則聖門焉稱三仁哉噫殷末

太無道之君猶尚如此予雖京德今卿去就豈不過

耶且近日討逆事前後批旨筵筵教實摠心腹重言無

益或不賜答卿劄中謂以辭塞輔相之間不諒至此

哉向日筵中貸一律之教豈非實摠之語乎數件勉

戒事予豈不服膺而該曹之未及抄啓雖或稽緩此

皆由於予之未能至誠樂賢之致亦切愧慙當益加
自省焉卿其體予如渴之意勿復過讓幡然造朝用
望副至

閔文忠公奏議卷之三

閔文忠公奏議卷之四目錄

疏劄

丙午元朝陳戒劄

乞免第十五劄

請銜 命辨 先誣劄

論咸遇臣處置失宜劄

因 嚴旨請罪兼陳所懷劄

因 嚴旨乞遞御營都提調並請勘罪劄

乞暇沐浴後還郊庄陳情乞遞三兼任疏

乞遞三兼任第三疏

乞遞藥院兼任劄

已酉甄叙後辭 召命疏

再辭 召命疏

三辭 召命疏

四辭 召命疏

請辨 聖誣疏

因 嚴教俟罪疏

閔文忠公奏議卷之四

疏劄

丙午元朝陳戒劄

時公已辭上乞免十

伏以日月易邁歲籥忽改冒夜

動駕親祀

魂殿

仰惟感時追慕

孝思罔極臣情勢窮感既不得進

叅於駿奔之列疾病沉淹又不得伸哀於闕門之外

而昨今起居之禮獨阻班行情理缺矣臣職虧矣有

臣如此不如死之久矣伏乞

聖明先遞臣職仍治

臣闕禮之罪以肅朝綱焉且臣已絕造朝之望而近

侍閱月相守夙夜悚感寢食靡寧昨擬力疾趨詣於

散班而近侍之相隨往來至爲惶懍不得已欲起還
止噫此豈臣之所願哉亦望俯垂諒察亟寢史官
偕來之命俾國體無損微分獲安不勝幸甚臣於
請罪之章不宜贅陳他說而竊伏念殿下受命維
新歲色又新此正殿下日新又日新之日也臣不
勝區區祈祝之誠敢此略效愚衷唯聖明澄省焉
臣於日昨伏覩備忘記縷縷聖教無非明是與
非以寬濟猛之至意而辭氣之間丁寧懇惻有足以
感動人者夫從古聖帝明王莫不以明是非務寬仁
爲治則殿下此心可謂深得爲治之大要噫吾國

其庶幾乎臣於是實有少須臾毋死之願焉然臣竊
覲殿下深懲於向日羣凶輩鋒刃之慘毒欲一反
其道咸新舊污偕之蕩平之域所以開示於臣鄰者
前後非一二矣噫殿下之心實聖人至誠惻怛之
心也殿下之言實王者無偏無黨之言也而持是
道爲國者亦旣一年矣是宜僊志從欲功成治定而
近來人情日益疑懼朝象日益泮渙君子無所恃而
莫盡其忠小人有所窺而陰伺其隙瞻顧之風委靡
之習殿下亦已憂之則所謂蕩平者無復可論而
徒見其日趣於亂亡之轍矣此其故何哉傳曰愛人

不親反其仁治人不治反其智行有不得而反求諸
身者卽仁者之事而聖人之訓也 殿下試於夜氣
清明之時自反於己平心靜思則必得其所由然之
故焉嗚呼爲治之要道今日之急務雖在斯二者而
二者亦必有首先下工夫處臣請冒死而陳之臣聞
天下之義理無窮故窮格之工雖窮了一分又有一
分未窮者必窮到十分極處更無餘地然後方可謂
物格而知至以 聖教中所及者言之 殿下若不
欲辨是非則固無可論矣旣或知之而是者不賞非
者無罪則何可謂之明是非乎 殿下若有意於殘

虐則固無可論矣其或徒知寬仁之當務而不當寬而寬當猛而不猛則亦不可謂得寬仁之道矣欲救此病惟在乎明辨義與利理與欲之間而已先儒曰無所爲而爲者義也有所爲而爲者利也今若以羣凶之慘毒爲戒而必欲只明是非不行誅討則是有意於寬而寬也非所謂無所爲之義也夫天地之大德曰生人君體天行仁固是爲治之大本而至於叙秩命討一循天理無纖芥私意間於其間然後方可
以克盡寬仁之道若事事而寬之人人而寬之只此一寬字橫着肚裏則此豈合於天理哉是以殷湯代

虐以寬而其言曰有罪不敢赦周室承商受淫虐之
餘而周公尚誅管叔武庚等試以耳目所記言之惟
我 仁祖大王受命之初首誅仁弘爾瞻等十餘人
向時凶黨欺誣 先王四聰之明掩殺 先王至仁
之德逞凶肆毒魚肉搢紳則今日 殿下之所以治
先王之罪人者尤嚴於殷湯以下三聖革除之時然
後 先王之誣可雪 君父之讎可復而亂賊之徒
庶可以知所懼矣此則天理民彝當然之則寬猛二
字在所不論也若如 聖教鋒刃之餘救時之道惟
在於務寬而已凶逆亦不可致討則成湯必赦有罪

周公不誅管叔我仁廟不誅仁弘等然後方合於

救時之義此真所謂矯枉過直懲羹吹薤者也聖王
體天行仁之道必不如是也噫大禍之餘舊德淪盡
如臣無似濫躋相職不能糾率百僚對揚休命每

承聖教若以臣爲亦不免於黨習之蔽痼此蓋臣
之所自取臣何敢自辨哉臣稟性柔懦平生未能爲
偏刻之論到今白首殘年更歷百變志氣便已消盡
魂夢尚有餘悸况黨論之禍人國家久矣辛壬之變
幾致宗社之覆亡履霜冰至流害若茲臣若不知
爲戒反有意於黨伐則其不忠不仁莫甚於此殿

下雖不罪臣天地神明必誅殛之矣臣豈敢爲此哉
然臣冒當重任於朝廷草創之日有冤者不得不伸
有罪者不得不討則凡臣之前後請伸者無非橫罹
禍故而與臣素嘗同志者也所請討者又皆曩時之
犯分干紀戕賢凶國而與臣平日異趣者也同志而
求其伸異趣而聲其罪則執迹而觀之宜若有私意
之參錯故 殿下於此等處輒先以一疑字逆之慮
其或從臣言未免爲推波助瀾之歸此固臣受以爲
罪而 殿下此心已自失於蕩平之道矣夫所謂蕩
平者臣曾以是非刑賞一循天理無一毫人欲之私

然後可臻蕩平之說屢陳于筵席而殿下不以爲然臣誠慚恧更有何言而朱子論洪範之旨曰無有作好作惡謂好所當好惡所當惡不可作爲耳此亦以有所爲爲戒也臣於此益信前言之非誣也殿下以今日廷論疑其出於報復之計此非臣之本意而臣亦不敢辭焉臣嘗讀朱子所爲舜典象刑說有曰聖人制刑其重者或至於誅斬斷割而不少貸然本其所以至此則其所以施於人者亦嘗有如是之酷矣是以聖人不忍其被酷者之銜冤負痛而爲是以報之雖若甚慘而語其實則爲適得其宜雖以不

忍之心畏刑之甚而不得赦也噫彼諸賊者皆宗
社之賊則無所論於報與不報而假使不至於爲逆
其陷殺忠良之罪固已不容於誅而今殿下必欲
偏護而曲全之若是者可謂適得其宜乎我朝用人
必重世臣故自昔左右王家爲國蓋臣國之所賴
而活者多出於故家巨室矣向年凶焰毒螫先及於
柱石喬木之臣國脉之斲傷無復餘地而其寡妻孤
兒苟活而不死日夜唯望天日之重光怨毒之少
洩而及至今日大失所圖痛一天之共戴若窮人之
無歸或不敢從仕或永廢赴舉以臣所聞亦多其人

此亦非國家之福何 殿下忍於聖人之所不忍而
不忍於其所忍至此耶如此而欲做蕩平之治者非
臣之所敢知也嗚呼 殿下於年來憂危困厄至矣
天旣拂亂 殿下之心志增益其所未能而降之以
大任則天之眷顧我 殿下似若不尋常者有志之
士莫不延頸企踵想望至治而 殿下乃拘拘於曲
嫌小仁舉措辭令之間未見有俯答於羣情者始之
彈冠而起者旋已拂衣而去在位之臣亦皆視朝廷
爲逆旅無一人擔當國事者諸司事務之叢脞未有
甚於近日而士大夫氣象風習蓋已大變矣臣中夜

思之幾乎失聲而痛哭也 殿下又以崇獎過激之
人責銓官臣亦以爲未安也朝家當以勁直敢銳者
置之臺閣使之有懷輒陳不避忌諱以之匡正袞闕
糾劾官邪而或有過激之甚不中事理者則在上者
稍爲之裁抑而已若嚴加摧折俾勿檢舉則將見逢
迎諛媚之徒充滿三司而其害必至於喪邦况今臺
閣上委靡日甚慮遠於日後戒深於三緘古諫臣風
采不可復見則固爲大可寒心而 殿下猶嫌其過
激此正所謂作於心害於政者也嗚呼 殿下有大
有爲之姿而觀今時勢已無可爲矣蓋 殿下有好

學之誠而其入頭處已失其大要矣 殿下於治國之道已占得好題目而不知所以用力之方唯以麁心俗念雜之以偏私之意朋黨之疑欲以是而明是非以是而務寬仁臣實痛惜之既往不可追而方來猶可及適此新元又是奮發維新之一大機會惓惓憂愛之忱尤有所不能自抑者敢此瀝血而陳之倘殿下深留 聖意勉勉加工則實 宗社無疆之福也臣外祖文正公臣宋浚吉當 顯廟丁未歲首上疏陳戒曰但祝 殿下聖德益新 聖志益勵惟以義理之所當爲者日加勉勉表率 元子善養德性

臣於今日又為殿下誦之律答曰省新劄具悉卿懇歲

追慕益切如新今觀卿劄縷縷陳戒之言字字感歎

須當服膺而猛省不加勵焉然日昨諭旨悉撫予意豈

只見是與非而姑不行之意乎前後筵教非止一

二而未有服羣意卿言猶已意歲色又新上事何益勵

感孚之致尤公自勉而席堆塵如是而國事何益勵

事之時而三公俱入鼎已意歲色又新上事何益勵

生奚濟意今日之國是予守此國而率此民如今日之

亦如是困瘁而莫能挽回而濟活中夜思之食息安

卿之乃祖乃父亦我朝之世臣當國事板蕩之時如

是與歲律而卿然史官卿造朝之前當自如卿何不

者且安社壇祈穀只隔數日造朝廟動駕在渴之一

卿其安社壇祈穀只隔數日造朝廟動駕在渴之一

仍劄留傳中

乞免第十五劄二同月初

伏以臣之昨日一劄心雖出於憂愛語實涉於狂僭而乃蒙 諄諄批諭酬酢如響先之以嘉獎之語繼之以敦勉之意丁寧懇惻可泣鬼神臣非木石寧不感激第臣歷觀自古以來君臣之間必須志同道合相得益章而後能成一代之治雖其志有高下道有大小治效有淺深之殊而未有齟齬不相合而能做一事者也今 殿下曰予欲明是非臣拜曰都下曰予欲務寬仁臣拜曰都所謂志同道合者殆近之矣然 殿下則只欲明此是彼非而已臣則曰既明之矣必是者用之非者罪之然後始可謂明是非

也 殿下勿論大小輕重必欲一皆寬恕而臣則曰
爲治之大體以寬爲主而亂逆之臣不可不誅也大
意雖同而究其歸則燕越之懸絕也枘鑿之不合也
此係節目間微細事則臣何敢固爭必行已志而所
關至重治亂斯判則上下意見如是迫殊而其何以
能做國事乎去夜 批旨雖極隆重而然於臣言若
有不釋然者 殿下試取臣之劄辭反復披閱從容
思繹倘或犁然會心翻然改圖存此心於虛明純一
之地使無一毫偏係之念如明鏡之無垢止水之不
撓事至物來一以義理裁度而處之寬仁蕩平雖是

好題目亦不令留在宵中以致叙秩命討各循其則
則羣下雖有黨比之習好惡之偏其是與非自莫逃
於聖鑑之下何必先以黨字蓄疑以待之乎若然
則非臣之幸實國家之幸也臣雖退處閒局亦將與
有榮矣不然而欲使臣充位伴食以備驅使而已則
在臣雖幸其如國事何哉此臣所以以榮爲懼終不
敢爲冒進之計者也至於社壇行祭太廟董役
本職若蒙許遞則固是臣效力之地何至屢煩勤
教爲哉伏乞聖明亟令遞解臣職俾以散秩自盡
於往役之義公私不勝幸甚

答曰省劄具悉卿懇項
諭旨悉據予意意謂

卿一若觀此庶幾不感回然而觀小卿兩之劄言未不知予之本意
而故愧恧之數日復何諭所辭相躬將事而勉副且親
祭則奚特卿小帶之缺然我抑亦卿心何使太廟移奉
肅在則一矣旬卿帶都提舉之任如是擢茲遣近密復過
諭予事無摠攝之意而待卿偕來卿其須體至意勿復過
辭九幡然入辭上用副如渴之手書遣承旨勉諭公後又上第
達於書啓上始許勉副
進之義

請銜命辨先誣劄呈同先月初十日以承領中樞

調申思詰請對入侍奏曰謝恩使行期已迫而
又見明史証蟻仁祖極其狼藉云曾辨在甲寅年
以彼中野史有証蟻極其狼藉語送价辨証則康
熙詔旨以癸亥事自修有明史論野史異於信史有
所回容今聞彼中修明史書若成則事益難

處必於今番使行之兼為奏請為宜姑退使行期
日議大臣而處之何如上命商確於時原任

遣大臣趙以重事體公遂上劄請行

伏以臣伏聞昨日筵中以使行退期仍兼辨誣事有
所定奪云此實數十年來臣民之所共忍憤含冤而
不得伸者今將有辨暴之路其欣幸祈祝當如何哉
第茲事至重至大有非循例奏請之比使行之準請
與否唯在其人之賢否豈以宗臣大臣有所差殊而
以重事體之道言之則不可不以大臣為上价見今
廟堂空虛位著雖曰苟簡而若臣者方在散秩別無
所事受恩罔極無他圖報之路臣母素抱痼疾而

前秋以後幸得少間姑不至於委頓而年亦未滿七
表臣身雖甚衰病自量氣力亦可以受命徃返若
蒙殿下特許臣填差上价則臣當竭力效勞期於
竣事而歸如其不效則治臣之罪更命他价實區
區之望也伏願更加審量而採施焉答曰省劄具
驚心痛骨曷可云喻卿之請行爲重事體而今因堂
劄有議大臣之命待歸一當下教焉○翌日又
命議大臣公有
獻議在下議卷

論咸遇臣處置失宜劄

五月初九日呈

伏以臣伏聞昨夕捕盜大將張鵬翼請對時有罪人
咸遇臣卽爲梟示之命大臣劄陳其不可而不賜

開納臣於此不勝驚惑之至臣未知遇臣所告者何人所誣者何罪而槩聞其人妖惡無比云可想其言之無實 殿下之深惡痛嫉快示典刑者誠出於嚴懲討之意夫誰曰不可哉第斷決大辟是國之大政所宜 俯詢於廟堂及金吾諸臣從容熟講按法而處之以追古聖人慎刑之意而今乃風馳霆擊汲汲舉行宰相不及聞臺閣不及論中外聽聞莫知其罪名莫測其端倪此何舉措此何獄體也成事勿說今無可論而若又事事如此則日後之弊有不可勝言者蓋 聖意所欲必行乃已惟恐臣僚之或有一言

忙急做去不顧是非則雖躬蹈桀紂之事誰得以救
正乎人有上變不問虛實必先誅戮則雖有孝立器
遠之變孰肯告之哉是二者乃必亡之兆也 殿下
何不念及于此乎大臣劄辭專出於愼刑法重事體
之意而聽之藐藐若是則 殿下獨運萬幾而文法
吏奉行文書足矣置輔相設臺閣何爲哉且梟示軍
律也無結案取招之規而此則軍門行之非金吾所
可奉行也今遇臣之罪非係軍律而 殿下不捧結
案直令梟示又使金吾郎行之旣自捕廳移之金吾
而獨使郎官奉行堂上不得與焉彼此無所據而法

例之乖錯甚矣人君所守莫大於祖宗典法而今反弁髦之若此前後用此手段不止一二臣恐法不信於民而將以啓後世無窮之弊也至於金吾郎稟告諸堂之際時刻之稍遲其勢固然而不少舒究遽命汰去威怒之暴急一何至此臣竊爲殿下惜之金吾諸堂倉卒惶怯無一言據法陳稟者以致過舉之遂成推考警責似不可已也臣曾以雖解相職聖躬有闕則當竭誠盡言之意有所仰達矣近日可言之事指不勝屈而居常泯默不敢一陳臣於是負殿下多矣然臣豈樂爲是哉蓋聞古人言事君數斯

辱矣又曰未信而諫以爲謗已也臣自昨年以後不
避僭越妄陳愚見者前後何限而未見其有略施行
者是 殿下已知臣言之愚妄不足以備採用矣然
而猶且自信孤忠不憚煩瀆實有所萬萬惶悚者且
伏觀 殿下舉疑廷臣以黨論言言事事輒認以爲
黨凡於臣僚之言一切牢拒而自任聰明不辨黑白
以是而欲做蕩平之治臣深恐 殿下此心大有違
於古聖王致治之道而臣方見疑之不暇又何敢刺
口論事以犯古人之明戒乎是臣之不言蓋亦不得
已也今日此事不係黨論而 殿下猶且厭聞羣下

之言舉措忙迫隳壞典章如是而臣又不言則愧負
初心到此益切茲敢不揆淺陋又此妄發伏乞 殿
下平心恕察深戒日後毋蹈前失則實國家生民之
幸也予答曰省劄具悉卿懇已諭於右相之批矣噫今
立器遠則向者逆虎之言亦云是耶先有逆虎復有
此賊若不快示典刑則將何以救末世而國之三尺
何為而設然遇事匡救可見愛君之心可遲滯時刻蓋
金吾郎汰去事待令當直其意不輕而遲滯時刻蓋
由申飭之意而至於汰去則予意亦似過矣而卿劄
如此勿為汰去從重推考焉金吾堂上不過舉行而
已何必推考哉

因

嚴旨請罪兼陳所懷劄

八月初五日呈

伏以臣疎迂愚妄無所通曉而惟其憂愛吾 君一

念如狂寤寐祈祝夙宵思度苟可以一分仰裨於
聖德者則不計其言之淺陋輒敢入告於前席雖其
不概聖心未蒙採用而猶不知自止矣夏間講筵
之入侍也敢誦周公戒魯公之語曰汝之國慎無以
國驕人仰祿之士猶可驕也正身之士不可驕也以
此妄效規戒之忱實出過計之慮而殿下下教若
曰驕之一字予實無之臣更欲敷陳餘意而惶恐囁
嚅不敢畢辭而退矣昨伏見備忘記以驕之一字
反復提說至以後弊爲慮又以予之病痛每多巽軟
此不過因予病痛而受者爲教臣伏讀再三心膽

震墜不知置身之所也臣聞益之戒舜曰無若丹朱
傲夫傲之一字何嘗一毫近似於舜而益猶以是戒
舜者蓋傲是惡德最妨於篤恭之工受善之量故猶
恐舜之省察之工有所未盡而以是爲戒夫豈以舜
爲巽軟不足畏而敢發此言耶今 殿下聰明首出
俯臨羣下無一人可於意者則不免有輕視之心勢
固然矣旣不免乎輕視則非有心於驕而自不覺其
歸於驕矣書曰位不期驕正謂此也試以前後 絲
綸之罵詈諸臣者觀之則臣恐其近於輕侮而不覺
其近於巽軟也臣乃竊附古人之義思欲仰贊我

殿下有改無勉之 聖德而曾不知 殿下素有存
戒之意乃敢指言 殿下所無之過論以漢法罪在
不敬咋舌難追噬臍莫及茲敢席藁私次恭俟鈇鉞
之誅伏乞 聖明亟命有司勘臣負犯以勵羣工以
伸 王法焉抑臣聞古人有乞一言而死者臣方在
待勘之中而區區欲忠之誠願畢其說惟 殿下少
加恕諒焉臣伏覩 殿下學問窮格之工有所未到
凡於講義理出 命令之際惟以一時意見堅定硬
斷大小臣僚雖或有言而不得入是以人皆囚舌無
敢有指陳 殿下之過失者猶幸 殿下引接諸臣

酬酢如響雖無聽納之實亦無拂忤之色在下者苟
或誠意充積辭語婉曲則以 殿下不世出之 聖
姿庶有一朝感回之理羣下之日夜祈祝惟在於此
矣今 殿下乃反以巽軟自責欲使逆耳之言不敢
復陳於前噫天不欲平治我東耶臣竊爲 聖朝憂
歎焉昔成湯接下思恭唐太宗以和顏色自勉而未
聞以巽軟爲嫌蓋天道下濟而光明故位益高德益
盛而禮愈恭者此聖人之道也易曰致恭以存其位
者此也願 殿下潛心經訓而深加體究焉且伏見
聖教以禮使臣存紀綱作爲兩件事夫紀綱之立在

於舉錯得宜賞罰當理使人心悅服而已非威刑嚴
令之所可得而立也孔子曰君使臣以禮臣事君以
忠先儒釋之曰君使臣以禮則臣事君以忠下一則
字其意至深蓋人君先盡使臣之禮然後人臣能竭
事君之忠苟使臣之不以禮則賢人君子將退守遐
遜之志而不願立朝其所與共國者不過阿諛逢迎
之輩而國遂以亡矣 殿下誠能使臣以禮上下相
孚勵精圖治德化日新則紀綱不期立而自立禮使
臣立紀綱自是一串貫來 殿下何憂其有所相妨
乎臣負犯既重又此觸忤臣尤死罪倘 殿下察其

愚而恕其忠則非臣之幸實國家之幸也

具答曰省卿懇

日昨備忘略警時習而其意固不在於卿之向日所能

達則今卿為嫌豈不過乎予以寡德君臨于上未能

動輒得宜而誠亦淺故使股肱之臣不知予心是誰

之過寔予之愆先言平曰素心復言今番下教之意

非特答卿之劄實論曰昨未盡底言舜大聖也而益

之所戒無若丹朱漢武中主也而汲黯敢言內外之

異予嘗於此深歎古人氣象矣豈使今日臣僚不為

敢諫耶故年前一儒臣王耶伯耶之說敢言人主心

術之幾微矣予燕閒追思每不覺其興歎而自警矣

此豈徒取其言哉向在春邸時出入曹廷故知敢諫

之風矣其言之果相符也猶且一言其感如此予之

恒心庶可推知予在私邸時嘗曰驕者非貧賤者所

能為乃富貴者所能為富貴之人際猶恐不驕人易知

其驕矣此誠深戒處故於對人之際猶恐不驕人易知

或驕矣此豈予修心工夫而然哉只所序者生於斯

至於不承之後尤嘗曰古之帝王之繼序者生於斯

長於斯耳目聞見俱是富貴雖承大統固不異也而

至於自藩入承者處富貴之地生燕閒之心則其弊

尤有甚矣季漢凡主固不足論以光武之英武未乃
信惑赤符是侈心之所生也侈論者不亦驕乎故嘗加
猛省然治心之工本無私意之來其何曰無而諸臣
之戒又豈曰不可乎且君臣之間體額重而誠意疎
魚水之歡契合之深不如今昔亦嘗竊歎者矣故擺
脫常格使盡所蘊上下無阻隔之患誠意可由此而
篤矣國事可做而生民可安是平日予心也但文質忠
三統其本俱美而末流不安無弊焉故損益存焉今
國綱無如之何矣徒知黨習之重不念國事之顛日
不嚴無如之何矣徒知黨習之重不念國事之顛日
日爲事者不救外乎此意當國家之事若其甚事不
民倒懸庶可救矣鄰族侵徵庶可均矣而國事自可
做盡革舊習精白矣鄰族侵徵庶可均矣而國事自可
挽回而今則不然不念君之宵旰之勤終不能革其
舊染一有錯枉一有申飭莫知自悟以君之正之後
輕侮是何事體是向道理耶昔仁廟反正之言反歸
羣臣之教先在乎黨習而其下教曰大北之人
其無可用之教人乎甚於黨習之人當斬其頭爲教
又顧勲臣而一教曰聖祖等雖有所犯決不容恕大
聖祖之教也一我聖祖之心也予於此不覺三復

而感涕矣。意今之人其勝於古人而然哉。君父之言
不為動念。輕侮二字。作周遮之干牌。此予所以深切
痛慨者也。况君君臣臣。夫夫子之語。而染黨之私意。
純然之公心。晦其人不惡。則事雖過矣。營護之假借。
之其人若惡。則則事雖不惡。疏斥之。啓劾之。此等不
處。若或申飭。則則箝制。輕侮等說。加之。諸君父。粵在
朝。此教之嚴。正處分。受者。乎。日。昨。今。日。而。未。聞。護。借
矣。此豈非因子病而受者乎。日。昨。今。日。而。未。聞。護。借
卿。劄。中。以。予。之。教。為。杜。言。路。之。端。實。非。予。本。心。深。愧
恒。日。試。不。孚。於。卿。矣。然。此。蓋。出。於。愧。時。勢。而。言。則。往
夏。卿。奏。不。過。因。諸。臣。之。語。而。勉。戒。向。過。嫌。之。有。劄
中。陳。戒。可。不。體。念。焉。卿。其。安。心。勿。辭。亦。勿。待。罪。劄
因。嚴。旨。乞。遞。御。營。都。提。調。並。請。勘。罪。劄。正。丁。未。月

二十一
日呈

伏以臣昨伏見 下政院之教以臣前日奏對之不

能詳審致煩 嚴旨誨責備至臣奉讀再三惶隕悚

慄莫知置身之所也臣自乙亥年始通仕籍事我
肅廟殆三十載園陵幸行前後頻仍而未見有閱
武之舉戊寅年則軍中疑有閱武之令遲回不前
以致將臣以下皆被罪罰朝中文武諸臣相傳以爲
曾有大臣定奪筵中之事故陵幸時閱武今已停
廢云其後大臣有以陵幸時閱武事體未安故近
年以來絕不爲之可知聖意之有在等語贊頌於
榻前者臣居常欽仰至今不忘故只憑平日所聞未
及考閱其日月而敢爲殿下誦之欲殿下先事
預知遵先無過者蓋出於區區忠愛之微悃而不

自覺其終陷於奏事失實之罪無非臣愚妄昏錯之
致尚誰咎哉臣於近來凡係聖德闕遺朝政得失
不敢妄有論列獨於職掌所關不免有所陳稟而既
帶軍門提舉則閱武爲職掌之一端故率易仰達而
猶且顛錯至此已不勝其愧悚而至於敢揣度於動
靜非下教而先達等教辭旨極嚴有非人臣所敢
聞者律以邦憲宜伏重辟席藁私次恭俟嚴誅而
縮伏數日未有處分茲不得不冒死仰籲於仁
覆之下伏乞聖明先遞臣軍門提舉之任仍命
有司勘臣負犯以爲人臣事君不謹者之戒以肅朝

綱以正

王章公私不勝幸甚答曰省劄具悉卿懇

事不然而無他深意則於卿有何不安之端卿其安心勿辭亦勿待罪焉

乞暇沐浴後還郊庄陳情乞遞三兼任疏十四月

日在廣州以縣道呈

伏以臣乞暇遠出過期未歸追惟陛辭之日面賜

手札諭以邁返聖眷至渥挽近所罕而疾病為崇

終歸辜負跡涉偃蹇罪大慢棄惶怖靡容惟俟誅譴

而聖度天大恩意彌隆大醫臨視珍劑俯頒賴

天之靈所患諸證不無一分之減而唯是氣息漸綴

腰脇牽痛無由轉動一步瞻望宸極第增耿結淹

滯此久罪戾日增重務多曠頃刻靡寧復此呼籲於
仁覆之下乞伏刑章以便公私焉抑臣有區區私懇
而囁嚅未發蓋已久矣茲敢昧死而一言之以冀
天地父母之垂憐焉竊伏念臣是歲晚之臣也廊廟
經邦之謨以臣形跡本不當與聞而 殿下嗣服之
初特以 先朝舊物猥蒙拔擢致位三事既辭不獲
命則不得不以大臣自居妄以彰 先德光 聖孝
明彝倫正是非爲已任民憂國計實多切急而了此
數件事則自可次第舉行古聖所謂正其本萬事理
者此也臣有見乎是竭智殫力勤勤懇懇而誠未上

格事與心違則遂乃力辭解職少靖私義而 殿下
猶不忍終棄以勿以解職自外盡心國事之意諄諄
面諭臣不勝感激敢對曰若 聖德有關朝政有失
則臣當隨事盡言以效愚忠自是凡有所懷輒敢罄
奏蓋臣歷事 兩朝恩遇罔極而涓埃無報攀慕莫
逮及其起自徒中重入脩門則咫尺 威顏恍若不
違於 寧考丁寧 玉音藹然有求治之盛意臣於
是乎悲喜交極寸心自激直欲吾 君卽日爲堯爲
舜不知煩瀆之爲嫌不計僭猥之可懼或先事而勉
戒或因文而敷陳或就事而論列或刺過而爭執惟

其愛之也篤故言之也激憂之也深故說之也煩而
既無盈缶之乎又昧自牖之義況又素蔑躬行之實
唯以一段忠愛之心信口說出而 殿下聰明首出
洞察萬理凡於政令施措之間 聖心元有主張者
存不待羣下之協贊匡輔則如臣愚妄之言豈有萬
分一見概於 宸衷者哉凡臣前後所陳徒積其煩
瀆僭猥之罪而已於是惕然於孔聖數斯辱之訓瞿
然於子夏未信諫之戒遂乃咋舌知悔不敢復言事
而至於職掌所關猶不免於有時妄陳以致屢承未
安之 教至或有臣子所不敢聞者臣惶怖悚慄覓

死而不得也臣既無才智之可以贊裨聖化徒欲以言語少伸追報之義而亦且悖妄如此則只宜以筋力趨走爲自效之一端而素抱奇疾年且衰老亦難陳力於班行之間如臣者直一竊祿賤丈夫也不但臣心之自愧其爲朝紳之累爲如何哉臣中夜不寐泣血追省則臣之罪戾萬殞難贖而殿下曲庇而掩護之以至今日臣每欲一暴情懇乞身歸田以自保其晚節而殿下雖知臣無用以其簪履之舊猶且眷遇而禮待之羈縻而不忍捨臣亦不敢遽爾永訣徑出國門有若悻悻者然而若其中情

之悚蹙羞赧何嘗一日而自安哉今適受由作行病
滯郊垌始敢悉暴平日之所願陳者伏乞 聖明澄
省而曲諒之 亟命有司追勘臣前後辜犯以肅朝
綱如以任使之久必欲曲賞則俾以戚臣本分投閒
置散病間則隨力出入於朝賀之班而勿復與聞於
國政所帶藥院太僕御營都提調等任盡許鐫免則
處分得宜臣 主俱榮自非然者臣雖庸陋亦有匹
夫之守有不敢徑還職次依舊典忍謹此席藁封章
恭俟進退之 命以爲前却之計唯 殿下勿枉其
性俾伸其願焉臣無任瞻 天望 聖血泣祈懇之

至不答曰大省疏具悉卿不卿日懇項遣御醫而還知卿所患之
愕然繼以無語意卿今疏予豈不覺感動予眷愛君之心不已
燭無餘矣而觀卿今春祈免所相職也西樞閑任豈可
辭焉為達則卿今日此舉豈予所料此也一也樞閑任豈可
寧面諭則卿對亦指日待返矣及數旬停浴之後何
可稽滯云故予對亦指日待返矣及數旬停浴之後何
是豈予料此二望也雖因所患而中留若或差可則即
必登途予之望也惟如此而但前疏中或差可則即
以高慮豈意今疏之微我徒信初達今反愕然我且
言以卿體國之誠使小子徒信初達今反愕然我且
所辭無帶予決知其過矣卿其須體至意安心勿辭
即日登途用副勲懇之意仍傳曰遣史官傳諭與之
來借

乞遞三兼任第三疏

同月二十
八日呈

伏以臣近因乞解兼帶一向撻捥以致還朝之計日

漸遷就 面諭之教日益孤負罪戾增積狼狽罔措
縮伏俟譴已浹一旬而尚無 處分不得不更煩籲
呼於 四聰之下惟 聖明少垂察焉臣聞量才授
職人君器使之道也不能者止人臣處義之方也顧
此兼帶三任之不可久叨不但臣之自知甚明仰惟
殿下亦已照燭之無餘矣前後章疏備陳情實今不
容復贅他語而此三任未遽之前不敢復還職次卽
所自畫於心者也非如備例謙讓畢竟勉出之比則
雖經年閱歲豈有仍帶趨朝之意哉矧茲三任關係
不輕凡諸緊重之務須至入告于內而臣倥侗蒙陋

迂愚顛妄轉喉觸諱出言有咎故雖尋常稟請之事
猶必悚怖惶慄囁嚅趑趄而不敢發發又荒亂顛錯
語無倫脊而動輒有悔終必至於無補職事獲罪
聖朝而後已且臣三緘有戒囚舌已久而一段憂愛
之忱猶覺其勃勃於胷中若因職掌所關入對頻頻
則安知狂妄之言又不衝口而發仰惱宸聽重貽
聖德之累哉此皆臣之所大懼也是以他無非不多
矣而獨於此三任必期抵死力辭者蓋出於自量之
已審其情亦憾矣 殿下豈不俯加矜諒哉臣若一
奉 俞音則起身赴朝豈待近侍之敦迫而相守浹

月未有收回之命。目今亢旱毒霧麥歉已判荒歲，殘邑實為可憐。而數日之程輪回供億來往，纖路吏民俱弊。以臣之故，重困郡邑。一至於此，此又臣之罪也。臣以此夙夜靡寧，寢食不甘，伏乞聖明亟命召還史官。仍許遞臣藥院太僕御營都提調等任，以開臣入朝之路。俾勿永負前日面諭之命。公私不勝幸甚。臣無任激切祈懇之至。

燕任上始命遞太僕軍門燕任而藥院則終不許副且促其入來公遂還朝入侍又力辭藥院辭意懇惻不覺感動

乞遞藥院燕任劄五月十五日呈

伏以臣罪積逋慢輒蒙寬假還朝之日特命賜對
慰諭甚勤開釋備至愴怛感泣彌日而不自定也第
藥院提舉終難仍叨而悉陳情懇未蒙矜許臣誠
悶鬱抑塞繼之以訐惑也念臣筋力衰耗無以供奔
走之勞言語狂率無以盡保護之責既已縷縷自陳
於四聰之下而殿下諭之以知卿如此故不許
遞免而予未嘗有芥滯之心又教以不曾芥滯卽
毋懲前事之意仰惟殿下曲諒庸陋賤臣亦有一
段忠愛之心欲其自盡其誠無所疑阻臣愚衷自激
圖報無地第臣自承聖教反復以思實難稱塞職

責茲敢復申微悃以冀 聖鑑之俯燭焉竊念 殿下
下一身卽一國神人之主一或不慎奈 宗社何保
護之責實在藥院而臣素昧軒歧凡於調和 御藥
之際惟一任醫人之言苟如是而已則豈 聖上必
欲任臣之意亦豈臣平日畢義之誠哉使 殿下清
心寡欲無一毫自戕之慮飲食起居深得病前自防
之術而後方可謂之盡職臣之所欲效忠者要亦不
外乎是矣昔魏徵之告其君曰陛下開臣使言故臣
得盡其愚若陛下拒而不受臣何敢數犯顏色乎夫
以徵之剛直其言猶尚如此況如臣之怯懦巽軟言

輒有咎者乎臣每自傷 聖量非不聽受而臣則疎
於開導 上心非有芥滯而臣則懷其疑畏反復循
省孰非臣罪臣之前後苦辭蓋亦已試而自知其不
能耳其力固不堪而其言猶未訖既在其位又不得
不畢其誠必將犯 雷霆之威觸鈇鉞之誅臣非欲
自恤是豈不重爲 聖德之累耶 殿下苟賜諒察
而必欲曲全則勿復以職事拘絆許令時奉朝請以
自伸犬馬之忱而已嗚呼臣休戚之臣也非如一言
不合悻悻而去者日夜慙祝惟 聖躬無疾患 聖
德無闕失使臣果有毫毛裨補軀命亦不足惜况區

區去就之節乎。祗緣誠意單淺，情志睽阻，既無以盡職，則終不可苟據欲退而不得，欲進而未能。跼蹐徊徨，有淚橫臆，斷斷此心鬼神鑑之矣。伏乞聖明察臣至懇之不可強抑，知臣愚陋之不合重地。亟命

鑄遞臣藥院都提調之任。公私不勝幸甚。

前者疏批曰：昨筵席聲悉予意，而卿猶不諒辭懇不已，不亦過乎？卿其安心勿辭焉。

己酉甄叙後辭 召命疏以九月初九日在驪州

七月朝著又變一番人禍機交急合啓請公及鄭公濬遠竄以誣鱗先王為案至戊申正月

乃允禁府以順安定公配所上以原州改

付標以下即公所居驪州地旁邑也是年三月

逆變起宋寅明等始皆以為神割有先見之明

景廟疾患於八方凶徒豈有自戢之理哉然袖
割則實出於一片苦心矣上嘉其言九月始
命特放又遣掖隸勞問至是下傳教略曰前
領府事閔鎮遠向日所為妄則妄矣其苦心
斷無他業已知矣到今時原任大臣一堂面
明曉是非之日宜有處分前領府事閔鎮遠
給西樞職秩中使奉府夫人優游
京外遂付判中樞遣史官傳諭

伏以臣為臣無狀事君昧方人言罔極罪名至重無
非人臣之不忍聞覆載之所難容既無以刺心而自
明分作斧鑕之鬼矣乃蒙聖明屈法伸恩愛之欲
生薄施編配猶借便近之地未及周歲遽降霈宥
之澤歸依松楸母子相守日夕感泣歌詠聖澤而
支離不死備經險釁又於前冬伏聞聖嗣薨殂七

竊靡託 宗社孤危士民奔號臣以廊廟舊臣曾經
保傳其悲憂摧隕之情有倍恒人而顧以覺累至大
不敢冒赴於闕外散班只遙望宸極痛迫涕泣而
已茲於千萬意想之外特下收叙之命職秩依舊
近侍宣召闔門驚惶五情惴惴莫知措躬之所也
念臣性質愚魯才智庸下而歷事三朝致位宰輔
區區赤心徒懷報效之微忱冒犯世路之險巇欲彰
先王之聖德而反陷誣先王之罪欲明倫義於一
世而反被悖倫義之目至若聖意每在於祛朋黨
致蕩平則臣乃敢推行箕範之意以明是非辨賢邪

去偏係公用舍積以歲月自致蕩平之效等語入告
出劄不避煩瀆而卒又身歸於黨論之首蓋其誠意
未積言語無力上無以孚感 聖聰下無以信服人
心揆手轉喉無非罪戾凡係極惡大罪之名目率歸
於下流之所處人臣負此得保首領尚云幸矣矧敢
復廁朝班舉顏於人世乎在 聖朝處臣之道謂臣
戚畹近屬簪履舊物縱不忍置之太辟而使之優游
田里保有殘喘者 德至厚也 恩至渥也況可復
授大匡之秩置之輔相之列乎 王章秉舛公議拂
鬱以臣之故將不免貽累於 聖朝平明之治則此

又臣之罪也臣自承新命徊徨蹶蹶求死不得以
臣情跡冒入文字有若循例辭免亦有所不敢而職
名不比庶僚一日虛帶尤增惶懼茲敢略陳窮迫之
懇仰呼仁覆之天伏乞聖明察臣釁垢之難濯
念臣蹤跡之危蹙亟命還收西樞除命俾臣守分
畎畝含恩沒齒生為祝聖之民死作結草之鬼公
私不勝幸甚臣無任瞻天望聖涕泣祈懇之至
答曰省疏具悉卿懇今茲特叙意有在焉而暮月亦
且不遠卿其安心勿辭領體昨下教中意空即上
來焉○暮月乃是
孝章世子初暮也

再辭

召命疏

十月十五日呈

伏以臣身名僇辱蹤跡危蹙雖蒙 聖明哀憐舊物
猶加拂拭而有不可舉顏斯世自同恒人向嘗仰暴
情懇冀蒙反汗之 恩矣 聖批優渥不賜開許至
於暮月不遠之 教伏讀未訖不覺聲淚之俱發也
意 鶴駕遐陟駟隙迅邁暮制將闋萬事靡逮率土
臣民普切號慕況臣曾經保傅最被恩渥受冊齒學
之日臨筵勸講之際靡不與覩盛儀欽仰 睿德而
到今罪戾窮谷老而不死哀 玉質之永閼痛 宗
社之孤危而無由一洩哀悰於 魂宮之前乃蒙
殿下曲軫賤臣之衷情有此 指示之勤教臣非木

石豈不欲感激自奮赴期奔走少伸臣子之至慟哉
第伏念人臣之事君也或因誤事或因犯科雖獲一
時之恩譴而朝家或以歲月之已久而甄叙之或
以郵罰之已行而收錄之則當之者亦不敢追提往
事有所撻捠者此固事體道理之所當然也若臣者
所被者何等罪目也所叨者何等職秩也論其罪則
傾海而難濯也擢髮而難贖也語其職則百僚之上
也萬民之表也豈若微青薄過之可以舍舊愆圖新
效而自立於覆載之間乎又豈若凡官庶僚之可以
畏分義承教令而遽喪其處義之方乎今若不顧

公議妄有憑恃晏然冒赴於都下肅謝 恩命進叅
哭班略無所顧忌則朝端執法之論固已憤然不平
於 除命之初於是又加以縱恣之目而聲其罪則
臣將何辭以自解乎臣受 命以來夙夜思度終不
得其可進之說瞻望 宸極徒勞夢魂已矣此生永
阻脩門引領懸情第增悵悵撫躬自悼尚誰咎哉茲
伸肝膈之懇甘伏違逋之誅伏乞 聖明俯察疊累
之危跡不可玷污於朝班深諒微臣之愚賤亦有庶
義之自守 收還叙用之命鑄削西樞之秩俾得以
抑情抒哀於州庭沒身閑廢於田里則在公在私實

為萬幸臣無任泣血祈懇之至

卿答曰省疏具悉卿懇

而若無昨之事卿心其能皆知乎苦心二字洞釋無餘於卿更何有不安之端而西樞閑職若是過讓

三辭

召命疏

二十一日呈

初

伏以臣之向來所被惡名決不可復廁於朝端非惟

不可復廁於朝端實不可舉顏於斯世非惟不可舉

顏於斯世亦不可自容於覆載之間只擬抱茲冤鬱

泯默以死矣殘喘苟延復見天日夫既拂拭而甄

錄之而又開釋而曉諭之拔之坑窞之中措之衽

席之上昨又特屈近侍之臣俯宣招徠之意辭

旨悲懇無異慈父之詔稚子噫於敵以下得此尚且
銘骨銜感況於君父之尊乎雖糜身粉骨隕首結
草不足以仰酬其萬一唯有卽日奔趨叩謝天陛
少伸臣子之情禮則退填溝壑永無憾恨矧又魂
宮練期倏焉已迫聖情悼傷推及舊臣哀號之情
必欲致之班行與之共抒悲懷臣於是又安敢不仰
體聖意欽承明命乎抑臣聞之里名勝母曾參
爲之不入况爲人臣子以誣上之罪嘗加於其身而
徒恃君父之昭釋乃敢影纓結綬晏然出入於內
庭外班者實是心所不可忍而義所不敢出也且臣

聞與人同事死生榮辱義無獨殊當初以爲明先王之聖疾然後可以彰先王之聖德而著羣奸之欺蔽云者臣之袖劄首發之矣前領府事臣鄭澔繼臣而又上劄請之臣又於筵席力請用其言其後臣與澔以此俱得罪罪名罔極而語其先後則臣爲首也論其輕重則臣實主之而澔竄而臣配便近臣叙而澔未牽復朝家刑政恐不宜若是顛倒而澔則篤老癯殘奄奄待盡而斷斷之忠未蒙照燭臣則以首罪之人揚揚先入而不之恤焉則廉耻二字將自臣身掃地盡矣朱子曰士大夫出處去就關風俗之

盛衰凡士大夫尚如此職忝大臣者先喪廉耻則其
有傷於 聖朝禮讓之化者當復如何哉昨於史官
之回賤疾方劇未能悉暴悃臆於附奏之辭今始收
召精神僅成文字頭暈氣促雖不能盡意而若其不
敢冒進之義大略如斯伏乞 聖明俯諒匹夫之有
守 深憐情地之迫阨 收回召命鐫削職秩以尊
國體以安私分不勝幸甚臣無任激切祈懇之至
省疏具悉卿懇所患若此深用慮念兩批別諭俱悉
予意何過議之至此疏末引憊未免太過卿其安
勿辭俟少間 傳曰遣御醫看病

四辭

召命疏

同月二十四日呈

時上又下

孝章練期上

來公以爲練期已迫而上旨勤懇亦不容一
向退坐進詣利川疏陳病未前進之由未及登
徹而上又遣史官趣令上途公還驪州以病
未赴召之義略陳於史官書啓因又繼止此
疏以申
前懇

伏以臣爲赴 謁宮練期赴臨外班強疾作行中路
添病委卧旅店無以自力碁制已闕竟不得一伸哀
情於銅闥之前銜痛茹恨生不如死乃蒙 聖明不
惟不罪曲加 軫念太醫診視珍劑遠頒生成之澤
天地同大一兩日來幸得少間寒感稍解寢食亦勝
庶有復起爲人之望誠荷 殿下再造之恩北望稽
首圖報無階第以兩旬沉頓之餘氣息益復漸忝素

患膈痰依舊侵凌作氣行動未可以旬月爲期前後
恩召不啻頻繁而尚此頑然偃卧未由祇承積此罪
戾何以自贖只自日夕惶懍而已抑臣與人同事榮
辱不宜獨殊之義已陳於前疏矣蓋臣與鄭澔始旣
同事終又同罪 殿下於同罪之中於澔則尚置於
歲抄文書名在罪籍於臣則 特加以格外恩數屢
勤敦召是蓋 殿下非以臣罪爲可恕也祇以戚臣
之故而施以私惠欲伸情於 魂宮脫衰之節也在
臣固有感激銘鏤之忱而亦何敢幸其私惠不顧同
罪之嫌冒入脩門猥廁班行之間哉且臣伏聞 殿

下以鄭澔曾論徐德修事。屢下嚴教爲澔罪上之。罪云澔之論德修事臣反復思惟茫然不能記憶向嘗因人問於澔則答以歲月旣久全未追識老昏至此尤增惶恐云。念臣於乙巳間前後筵席語及德修事者屢矣。豈於年久之後。聖聰偶未照勘以臣言認爲澔之言耶。若然則是臣罪移於澔也。臣心之惶愧不安尤當如何而尚可厭然自掩揚揚赴朝乎。夫遣近侍偕來是何等曠絕之殊恩而乃遽徑施於如臣滓穢之賤。或恐殿下猶未俯燭於臣之決難冒進。有如此者。臣誠悶泣悚惕覓死無路伏乞聖

明亟命召還史官以待臣早晚自詣公車祇謝恩

命不然則亟加臣以違命之誅以肅朝綱以勵

一世不勝幸甚答曰省疏具悉卿懇前後開釋之後

拜相入京後初劉仲寬事也其後此一事語與鄭浩後

卿豈不曰批答雖好所請未安乎此一事語與鄭浩後

請辨

聖誣疏

四十二日呈初

伏以臣病痼無以起身迹危不敢赴召而近侍相

守日事敦迫惶懍悶鬱冒上請譴之章矣伏承聖

批不惟不加之罪委曲開示無異家人父子臣誠慚

悚悸恐莫知所措也蓋臣於鄭浩之劄所請伸冤諸

人殆可歷數而徐德修之入於其中臣不能記臣於
筵中以徐宗一之陳疏爲猥越而亦未嘗以德修爲
逆故或慮鄭澔之替受臣罪心旣不安有所自鳴矣
殿下追舉前事至勤曉諭無非臣老耄昏罔之致唯
當席藁俟譴而已更何敢有所容喙乎仍竊伏念臣
以滓穢之賤雖不敢以大臣自處而事有關於國家
存亡之幾者則義不可不言故擬待早晚造朝而一
陳之矣今臣病情雖似少減衰耗已極完復未易試
出戶庭輒復呻痛數日行役決難以時月爲期當此
太廟有慶舉國抃蹈之日亦不得進身於賀班之末

少伸其追慕歡忻之忱只以平日之所欲言者冒死
附達迹涉偃蹇罪在罔赦唯 聖明矜其愚而平心
審察焉嗚呼一自昨年變亂以後爲 殿下臣子者
莫急於辨 聖誣一事而至今未有聞焉置凶言於
不論之中歸 聖德於暗昧之地其何以扶持人紀
維繫民心而一日可以爲國乎可謂痛哭流涕之不
足也乙巳春臣在鄉未及赴 召也聞有天海之變
及臣造朝人之傳說各異或云天海以狂易之人當
街亂叫語無倫脊不足道也或云天海雖詐爲狂易
之狀其凶謀逆節至爲叵測臣未見鞫案不勝疑惑

敢於筵席請聞獄情則 殿下教以凶言何可掛齒
置之不復道可也 聖教如此臣不敢更提且念天
海已誅無可憑覈終不能請加窮查摘發言根並與
其醜類而剿滅之以訖天討以絕禍根此皆臣之罪
也其後臣待罪藥院偶閱院中甲辰年日記則 先
王自其年七月十七日有頭疼之候寢膳俱減寒熱
煩惱漸就沉重至八月二十日又有膈間煩悶之證
二十一日以後水泄不止二十三日四日連進參朮
終至 大漸其間夜中急召醫官問以當用何藥者
至於數次矣嗚呼痛哉嗚呼痛哉天降大割疾疢爲

崇沉淹四旬永結臣民之至痛則天海之凶言果何
所憑藉而其時中外人士之絕未聞證候之若此
者亦何故也臣於此不勝痛泣憤惋直欲無生也及
至丁未臣等被罪屏退之後又聞京外連有掛書之
變而戊申春賊兵果起自稱義舉始知前此天海之
凶言京外之掛書首尾排布脉絡相連凶謀之醞釀
非一朝一夕之故矣及聞鞫囚諸招皆以言根歸之
維賢蓋維賢戚連宮掖異於疎遠之臣其言必將見
信於四方之聽聞故諸賊之必教誘維賢做出凶言
者此也噫嘻痛矣曾在乙巳彼中弔使之來也使譯

官送言於臣曰 主上顏色之戚哭泣之哀有不忍
瞻望此東國之福不勝感悅謹致賀語於大臣云夫
殿下孝友之至行雖異俗之人尚知敬服而嗟嘆之
彼維賢亦一 殿下臣子亦具人形豈不知 殿下
之盛德至善而乃忍與逆賊夢顯等同心和應做出
如此凶言耶亂臣賊子何代無之豈有如此賊之窮
凶極惡者乎臣實欲手自齎食而不可得也臣於甲
辰秋謫居星州全未聞 聖候之違豫邑吏忽報
陟遐之音驚痛罔措馳入州城未知緣何 證候致
此 大戚問之邑人則邑人不知問之自京往來之

行人則行人不知只自攀號痛隕而已臣猶如此彼鄉曲之下士編戶何從而聞之其心固已驚惑以驚惑之人心聞凶言之出於戚畹則其勢固不得不信從况指建儲爲廢立謂叅決以篡奪其源委有自來者乎彼諸道愚氓之望風附賊者亦無足恠矣及聞賊兵已散鞠囚方張意謂夢顯輩慙患維賢做出凶言之情節庶可畢露無餘矣流聞殿下於鞠囚之際諸賊向聖躬直發凶悖之說則一殿下不忍聞而或至於垂淚至若凶言做出之根柢則初不窮覈如維賢者亦且無端徑斃竊意殿下以爲諸

賊已誅凶言豈有未辨之慮而臣則恐其不然雖尋
常誣人者亦必覈其造言情節得其承敕書出結案
人得以見之今事關聖躬罔測之誣而終年訊鞫
曷嘗有一紙取招明白如此者乎治獄之際大抵務
主寬緩所誅率多枝葉爛漫從賊者多傳生議漏網
自在者寔繁其徒而殿下又嘗頒教諸道慰安諸
賊之親戚姻友至有嶺南人不拘解由除職之教
嶺人豈盡爲逆而有此非常之處分欲以感悅之
夫罪當厥罪則死者亦不怨恩非其恩則受之者反
惑矣竊覲聖意以辨明自己事爲嫌而不欲窮竟

且以反側子自安爲心而欲其感恩革心 聖意所
存豈不藹然仁厚而惟彼梟獍之性終難感服反意
殿下之所以如此者出於畏縮而示弱始之匿影懼
誅莽然若負霜之草者顯有豪健自得之狀口雖不
敢言而其意象則可見矣以此人心靡定訛言朋興
民皆荷擔若將有波蕩之勢仰惟 殿下深居九重
亦何以盡燭物情之至此哉噫冰霜之漸所由來久
矣自甲辰 大喪以來危疑之兆誑惑之端不一而
足使人心漸漬而莫覺國勢危動而不安卒之稱兵
作亂半國從叛其蒂固根深滋蔓難圖固非姑息之

仁苟且之政所可化而服也 殿下以關涉自己爲

嫌而惟務涵貸以保養凶逆爲惠而不欲鋤治此果

可以制服凶悍回心嚮道則宜其中外帖然無復可

虞而亂埶之不熄騷憂之不止又若此者何哉夫徵

於色發於聲而後喻者在恒人猶然 上聖聰明幸

試反其本而思之則寧不得其故哉夫 殿下一身

宗社之主也 聖躬受誣卽 宗社受誣也 宗社

受誣而能國其國者未之有也 殿下縱自輕其可

不恤 宗社之受誣諉以自己事而不思所以昭晰

辨破也哉昔我 仁廟聖祖盛烈大業有若青天白

日而其時凶逆之輩猶且飛語 上國登之野史

殿下爲先辨誣之舉歷累歲而彌勤况此維賢輩詎
天於幽隱之地吠日於虛無之中惑亂衆聽震撓國
中則其爲後世之慮尤當如何而尚可因恬而不知
辨乎夫誣及 先朝則辨之誣及 當宁則置之在
異國則辨之在彼而祈請之在本國則辨之在我而
泛忽焉古今天下安有如此義理乎且 殿下雖以
自己事爲嫌而爲臣子者亦且坐視而不以爲意揚
揚從仕行呼唱於道路而已則惡在其主辱臣死之
義乎 殿下又以可怒在彼已何與焉爲 教夫可

怒在彼已何與焉卽程子之言而指大舜之誅四凶也究其旨意恐不襯合於今日事而况程子又曰堯舉舜於匹夫之中而禪之位四人者憤怨不平而顯其惡故舜因其迹而誅竄之也以此觀之四凶之罪豈不關涉於舜之自己而舜不以爲嫌而誅之所謂已何與焉者奉天命行天討而無一毫私意於其間也大凡恐人之謂我爲私而不敢循天理之當然則這便是私也大舜豈爲是哉雖然 殿下前後處分旣已屢失機宜不能龍言服凶徒則誠難以善其後矣竊伏念惟我 東朝兩 殿下若聞 聖躬之受誣

若此國勢之可憂若此則必當驚心痛骨憂惶迫切
盡將甲辰大喪時證候本末明白下諭打破凶
言以定人心以延國脉而下無陳稟之舉則其何以
俯燭外間事勢乎臣焦憂百端反復深念昨年移書
於今領相臣洪致中勸令率百僚庭籲於兩東朝
得其下教頒布八方則答以吾意正如此當奉以
周旋云矣未幾致中遭人言而出城及至今年之復
入也臣又移書以勗之則致中之答亦如昨年矣今
至累朔尚且寂然臣未知其故而此一着亦漸後時
臣竊爲之痛迫也夫先王證候詳載藥院之日記

矣使人人皆得以聞知則庶爲辨誣之一資而又得
兩東朝之詰諭昭揭中外則可以尊聖德於日月
之明鞏國勢於磐石之固今日之急務果有加於此
者乎今之士大夫豈不知聖誣未辨之前不可自
立於天地之間而汔未聞有一人明言極論以明吾
君之受誣而只逡巡循默而已者何也其言似若仰
體聖上不忍聞之意而實則姑息之愛也殿下

亦嘗於變亂甫定之後命詞臣作文播告則是空
深究凶言之所由起明白說盡使中外人心不迷於
向背之幾而含糊爲說未能劈破頭腦殊無爲國家

至誠惻怛之意若是而可能折姦萌而服人心乎臣
實痛之伏乞 聖明亟命廟堂使之周思熟講明白
布諭于八路凡臣所陳者外有可以辨 聖誣扶民
彝者明目張膽靡不用極以存君臣之大防 殿下
亦空自謀深惟前日召亂之由痛將一箇孃字和根
拔去凡百 處分嚴明廣大洞然無查滓凝滯者則
人心自然悅服禍根自然消絕實國家萬世之幸也
如以臣言爲謬妄迷錯不足採施則亟加妄言之罪
以警一世而猶望將臣此疏頒示遠邇則域中士民
亦庶幾不眩於逆順之辨臣雖明日伏誅於後亦且

甘樂之無復餘憾矣臣無任籲天望聖涕泣懇

迫之至上答曰省疏具悉意雖失志怨國之徒敢生誣

況諸賊俱皆伏誅既經年逆亂之後少有其慮無

心者其誰不知往歲卿心或慮昨午於今則其慮無

乃病痛乎此等處心常慨歎於卿少損往引之論之未安

其思之未周予不多言矣惟卿少損往引之論之未安

協恭之義玄即意

來用副復召之意

因嚴教俟罪疏同月二十二日呈上覽前

且教以藥院之說專出於廷中屢下未安之教

伏以臣國憂熏心如狂如癡欲伸辨誣之義敢陳過

計之慮雖知其自失語默之節而若其區區愛君

之血忱庶冀見諒於聖照矣伏奉批旨誨諭勤

閔文忠公奏議卷之四疏笞

至慨歎臣言疑其出於黨習無非臣平日事 君無
狀誠信未孚而形諸文字又不能導達指意之致且
愧且悼直欲鑽地以入而不可得也然而郵罰猶不
加 敦召猶不輟夫托以伸辨 聖誣意在傾陷異
己者是何等回邪不忠而尚且寬假之至此朝家刑
法恐不宐若是乖舛而臣之惶怖窮蹙尤當如何哉
噫今雖依臣前疏盡將甲辰 大漸時證候首末頒
示中外賊徒之感悟革心固不敢期而其中脅從之
類庶幾有追悔自新之心嗣後愚氓可知逆順之辨
雖被誑誘必不至如去年之望風歸附豈不爲逆折

姦萌之一大助乎目今訛言交煽人心震撓凶孽多
漏亂兆不息而雷電轟燂於立冬之日虹貫又至再
矣星文之騁妖相續於雲觀之奏古人曰不見其形
願察其影臣思之至此不覺心寒而氣短也臣之本
末長短固是聖明之所俯燭其不合於聖朝之
任使臣亦自知况又老昏衰敗尤無立朝陳力之望
而惟是蒙被殿下生死肉骨之恩糜身粉骨無以
仰報其萬一只擬一謝恩命少伸微悃而既有與
人同罪之嫌不可放倒庶義無且所患尚爾沉苦感
冒未解膈痰益肆寒縮牽引痛勢難堪以此至願未

伸悚惕恒切今又自作罪辜恭俟誅譴一瞻丹墀恐
無其日其亦命之窮也席藁累日未有處分狼狽
悶鬱不得不冒死號籲伏乞聖明亟命有司勘臣
妄言之罪以警羣僚收還史官以尊國體公私不勝
幸甚臣無任惶愧戰兢之至

疏曰省疏具悉卿懇前
答之批不過示意卿其

安心勿辭亦勿過自引
咎宜卽登途用副予意

閔文忠公奏議卷之四

所在屯田查北標卜數區別懸錄成冊

